



Malo o Samoa

FONO AOAO FAITULAFONO O SAMOA

RIPOTI FAALETAUSAGA

a le

**MATAGALUEGA O TINA MA TAMAITAI ATINAE O NUU MA
AFIOAGA MA AGAFESOOTAI**

**mo le tausaga lulai 1 2005
ia Iuni 30 2006**

Ina ia tuuina atu i luma o le Iaulau a fono a le Fono Aoao Faitulafono



OFISA O LE MINISITA O TINA MA TAMAITAI ATINAE O NUU MA AFIOAGA MA AGAFESOOTAI

Afioga i le Fofoga Fetalai Fono Aoaio Faitulafono o Samoa MULINUU

Ina ia tusa ai ma le Vaega 18(2) o le Tulafono mo le Matagaluega o Tina ma Tamaitai 1990, Vaega 17(2) o le Tulafono mo le Matagaluega o le Lotoifale ma le Vaega 17(1) o le Tulafono a le Matagaluega o Tupulaga Talavou, Taaloga ma Aganuu e ia te au le faaaloalo e tuuina atu ai i lau Afioga kopi o le Ripoti Faaletausaga lona tolu a le Matagaluega o Tina ma Tamaitai Atinae o Nu'u ma Afioga ma Agafesootai, mo le tausaga amata mai ia Iulai 1 2005 seia oo ia Iuni 30 2006.

O lenei ripoti o loo tuuina atu ai galuega sa faatinoina e le Matagaluega i totonu o le tausaga faaletupe lenei, ina ia tusa ai ma Tulafono pei ona taua i luga.

Afioga Fiamē Naomi Mataafa

Minisita o Tina ma Tamaitai Atinae o Nu'u ma Afioga ma Agafesootai



Matagaluega o Tina ma Tamaitai Atinae o Nuu ma Afioaga ma Agafesootai

Afioga Fiamē Naomi Mataafa

Minisita o Tina ma Tamaitai Atinae o Nuu ma Afioaga ma Agafesootai

Ina ia tusa ai ma le Vaega 18(2) o le Tulafono mo le Matagaluega o Tina ma Tamaitai 1990, Vaega 17(2) o le Tulafono mo le Matagaluega o le Lotoifale ma le Vaega 17(1) o le Tulafono a le Matagaluega o Tupulaga Talavou, Taaloga ma Aganuu 1993, e ia te au le faaaloalo e tuuina atu ai i lau Afioga kopi o le Ripoti Faaletatusaga lona tolu a le Matagaluega o Tina ma Tamaitai Atinae o Nuu ma Afioaga ma Agafesootai, mo le tausaga amata mai ia Iulai 1 2005 seia oo ia Iuni 30 2006.

O lenei ripoti o loo tuuina atu ai se ootoga o galuega faatino a le Matagaluega i lenei tausaga faaletupe, ina ia tusa ai ma tuutuuga o Tulafono pei ona taua i luga.

Luagalau Foisagaasina Eteuati Shon
Ofisa Sili o Pulega

FAASOLOGA O MATAUPU

	Itulau
FAATOMUAGA	5 - 6
1. VAEGA 1: MATAGALUEGA O TINA MA TAMAITAI ATINAE O NUU MA AFIOAGA MA AGAFESOOTAI	
1.1 Vaaiga Taulai	7
1.2 Manulauti	7
1.3 Tulafono	7
1.4 Sini Autu	8
1.5 Matafaioi	8
1.6 Faatulagaina o le Matagaluega	9
1.7 Aufaigaluega	10
2. VAEGA 2: TULAGA UA AUSIA MA GALUEGA	
2.1 Ofisa o le Minisita	11
2.2 Ofisa o le Ofisa Sili o Pulega	12
2.3 Vaega mo le Lotoifale	15
2.4 Vaega mo Tina ma Tamaitai	18
2.5 Vaega mo Tupulaga Talavou	25
2.6 Vaega mo Suesuega Faiga Faavae Fuafuaga ma Faamaumauga	27
2.7 Vaega mo Lomitusi	29
2.8 Vaega mo Pulega Faa-Ofisa	30
3. VAEGA 3: AUAI I KOMITI A ISI MATAGALUEGA	31
4. VAEGA 4: ATINAEINA O LE AUFAIGALUEGA	32
5. VAEGA 5: FAAFITAU LI	34
6. VAEGA 6: TALA FAATATAU O LE TUPE 2004-2005	35
7. FAAFETA I	36
8. FAASINO UPU	37

FAATOMUAGA

O le Matagaluega o Tina ma Tamaitai Atinae o Nuu ma Afioga ma Agafessotai, i lona galulue faatasi ma ana paaga galulue, ua faaauau ai pea le alualu i luma o ana taumafaiga ma lona sao i le ausiaina o le vaaiga taulai aoao a le Malo. O le tausaga lona tolu lenei talu ona faavaeina le Matagaluega ma ua toe faatinoina ai foi nisi o tulaga maoae i lana auaunaga pei ona faailoaina i lenei Ripoti.

O le tofiaina o le Afioga Fiame Naomi Mataafa e avea ma uluai Minisita Tamaitai mo le Matagaluega mo Tina ma Tamaitai Atinae o Nuu ma Afioga ma Agafesootai, ina ua maea le Faiga Palota Tele 2006, o se matatia ua ausia. Na patipatia e le Matagaluega lenei tofiga aua o se faamanuiaga mo le Matagaluega le afio mai o le tamaitai Minisita ma aumaia faatasi ma le tele o lona tomai ma agavaa a o avea ai o ia ma Minisita mo le Matagaluega o Aoaoga, Taaloga ma Aganuu mo le silia i le sefulu tausaga.

E le faaititia foi le agaga faafetai i le sao taua o le Afioga Tuala Ainiu Iusitino, le sa avea ma Minisita a o le i malolo ritaea ina ua maea le paeaiga a le Palemene na sei mavae atu nei. O le faatoatoa ma le toamalie o lana taitaiga na mafai ai e le Matagaluega ona faaauau le faatinoina o ana matafaioi autu e aunoa ma le tele o ni lavelave seia oo lava ina faatino le suiga o Minisita i le maea ai o le Faiga Palota.

E fia faailoaina foi le tele o le sao o le Matagaluega i le faataunuuina manuia o le Faiga Palota Tele 2006 a le atunuu. O le Vaega mo Lomitusi na nafa ma le lolomiina o Pepa Palota, lola Palota e iai ata ma lola e leai ni ata, tusi taiala ma isi lomiga uma o le Palota. O se galuega tele na matua manaomia ai le galulue mataalia ma le fai mea sili o le afaigaluega ina ia faataunuuina ma faamaeaina lomiga uma mo le Faiga Palota i taimi faatulagaina.

I le faatinoina o lenei galuega sa iai nisi o faamanuiaga na mauaina e le Matagaluega ma sa taliaina ma le agaga faafetai. O se tasi o ia faamanuiaga o le faatauina mai o masini aupito lelei faaonapo nei pei on faatupeina e le Malo. Ua iai nei i le Vaega mo Lomitusi a le Matagaluega masini aupito lelei faaonapo nei i totonu o le atunuu.

O le tausaga foi lenei na amatalia ai e le Ofisa Sili o Pulega ma le Pulega faatalalanoaga ma le tapenaina o le talosaga mo se Polokalame mo le Faamalosiaga ma le Faaleleia o Auaunaga a le Matagaluega ato. Ina ua tofia le Afioga Fiame Naomi Mataafa e avea ma Minisita o le Matagaluega sa ia matua lagolagoina ma uunaiina lenei fuafuaga mo le Matagaluega. Sa faatalanoaina muamua lenei talosaga ma le Ofisa o le Public Sector Improvement Facility (PSIF) mo sa latou fautuaga i le tapenaina o le talosaga aloaina ao le i tuuina atu i le Komiti Faafoe o le PSIF. O le faamoemoe o lenei polokalame, o le faamalosiaga ma le faaleleia o malosiaga o le Matagaluega ina ia gafataulimaina le faatinoga o ana tiute ma matafioi autu aemaise o le faataunuuina o ana fuafuaga alualu mamao.

O le matafaioi autu a le Matagaluega mo le faamautinoaina o le soifua manuia o nuu ma afioga, o loo atagia pea i tulaga ausia a vaega taitasi o le Matagaluega pei ona faailoa atu i lenei Ripoti. E tofua uma Vaega o le Matagaluega i le faataunuuina lelei o galuega faatino o lenei tausaga.

E tele faafitauli ma luitau sa aafia ai le soifua galulue o le afaigaluega ma le Pulega. Ma o le tele o nei faafitauli e afua mai i vaega i fafo atu o le Matagaluega e le oo tele iai sona malosiaga. Peitai e ui i nei luitau, sa mafaia lava e le Pulega ma le afaigaluega ona foia nei faafitauli ma faatino a latou galuega, ma avea o ni avanoa lelei e luitauina ai le alualu i luma o lo latou soifua galulue.

E fia faamauina le agaga faafetai o le Matagaluega i le lagolagosua ma le fesoasoani mai o ana paaga galulue mai Matagaluega a le Malo ma Faalapotopotoga Tumaoti, Pulenuu/Sui o le Malo ma Sui o le Malo Tamaitai, Taitai o Autalavou, Vaega o Pisinisi Tumaoti, Faalapotopotoga Tumaoti ma komiti eseese i totonu o nuu ma afioaga.

E muliai le agaga faafetai i le galuega fita sa feagai ma le Ofisa Sili o Pulega, le Pulega ma le aufaigaluega a le Matagaluega, ma i latou uma na tofu sao i le faataunuina manuia o galuega o leni tausaga faaletupe 2005-2006.

VAEGA 1: MATAGALUEGA O TINA MA TAMAITAI ATINAE O NUU AFIOAGA MA AGAFESOOTAI

1.1 VAAIGA TAULAI

Ia avea ma faalapotopotoga e taiulu i Samoa i le tuuina atu o auaunaga mo le soifua manuia o afioaga ma auaunaga faa-agafesootai ina ia alualu pea i luma le mauaina o le soifua manuia o tagata uma

1.2 MANULAUTI

Ia galulue soosootauau ma ana paaga e faamalosi saofaiga o le Faa-Samoa ina ia mautinoa le faaatumauina o le atinae o tulaga faale-aganuu, faale-agaga, faa-agafesootai ma faale-tamaoiaiga manuia o aiga ma afioaga.

1.3 TULAFONO

O le Matagaluega o Tina ma Tamaitai Atinae o Nu'u ma Afioaga ma Agafesootai na tuufaatasia i lalo o le Tulafono o le faatulagaina o Tofi Faa-Minisita ma Matagaluega a le Malo 2003. E oo mai lava i le tausaga faaletupe lena 05/06, o loo faatalia pea mai le Ofisa o le Loia Sili se tulafono patino mo le Matagaluega ma ana malosiaga ma matafaioi.

O loo faaauau pea ona galulue le Matagaluega i lalo o tulafono nei

- ❖ Taiala mo le Atinae o Samoa 2005-2007
- ❖ Tulafono Matagaluega mo Tina ma Tamaitai 1990, ma lona toe teuteuga 1998
- ❖ Tulafono Matagaluega mo Tupulaga Talavou Taaloga ma Aganuu 1993 (Vaega o loo faapitoa i Tupulaga Talavou)
- ❖ Tulafono Matagaluega o le Lotoifale 1995 ma lona toe teuteuga 1997
- ❖ Tulafono o le faatulagaina o Tofi Faa-Minisita ma Matagaluega a le Malo 2003
- ❖ Feagaiga Faavaomalo mo le Aveeseina o soo se Ituaiga Faailogatagata Faasaga i Tina ma Tamaitai, sainia e le Malo o Samoa 1992
- ❖ Feagaiga Faavaomalo mo Aia Tatau a le Tamaitiiti, sainia e le Malo o Samoa 1994
- ❖ Taiala mo Talavou o le Pasefika
- ❖ Polokalame a Malo o le Taupulega mo Tupulaga Talavou
- ❖ Faiga Faavae Aoa mo Tupulaga Talavou 2001-2011

1.4 SINI AUTU

E lima Sini Autu a le Matagaluega mo le faatinoina o lana Fuafuaga Autasi i totonu o le tolu tausaga (2004-2007), lea e aofia ai ma le tausaga faaletupe o ripotia nei 2005 – 2006.

1. Saunia Fautuaga taua ma le aoga mo faiga faavae ma fuafuaga lautele mo le faaleleia o le atinae o agafesootai ma le soifua manuia o aiga ma afioaga.
2. Saunia auunaga lelei ma le talafeagai mo le atinae o nuu ma afioaga ma agafesootai ina ia maua le soifua filemu ma le soifua manuia i le itu tau tamaoaiga o aiga ma afioaga.
3. Uunaia le tulaga paleni ma tutusa i fuafuaga fai a le Malo ina ia faateleina avanoa e filifili ai alii, tamaitai, tupulaga talavou ma tamaiti i a latou faaiuga fai
4. Tuuina atu auunaga faa-lomitusi lelei ma taugofie mo Matagaluega a le Malo ma Kamupani ma ana paaga tutoatasi
5. Siitia le tulaga o le faafoeina o tagata faigaluega ma le auunaga a le Vaega o Pulega Faa-Ofisa e lagolago ai i le sologa lelei o le faatinoina o auunaga a vaega taitasi o le Matagaluega.

1.5 MATAFAIOI

Sa faaauau pea ona galue le Matagaluega ina ia ausia ana sini autu e ala i ana matafaioi nei i le tausaga faaletupe 2005 - 2006:

1. Faufautua i Faiga Faavae i le Minisita
2. Galuega Lagolago mo le Minisita
3. Fausiaina o Faiga Faavae, Fuafuaga ma faatinoga o Suesuega
4. Faamausaliina o polokalame fa'atekonolosi talafeagai
5. Faamaopoopoina ma le faatinoina o galuega faatino e uunaiina ai le Feagaiga mo le Aveesea o Soo Se Ituaiga Faailoga Tagata Faasaga i Tina ma Tamaitai faapea le Feagaiga i Aia Tatau a le Tamaitiiti
6. Saunia o auunaga tau le atinae o NuU ma Afioaga mo Tina ma Tamaitai
7. Tuufaatasia ma faatinoina polokalame mo le atinaeina o tupulaga talavou.
8. Saunia o polokalame faa-le-aoaoga talafeagai mo le faalauteleina o tomai ma le silafia o Sui o le Malo Tamaitai, Pulenuu ma Sui o le Malo*.
9. Tufatufaina o faamatalaga i tina, tupulaga talavou, nuu ma afioaga i mataupu tau le atinaeina o nuu ma afioaga ma agafesootai
10. Uunaiina le atinae o nuu ma afioaga auala atu i Pulenuu ma Sui o le Malo.
11. Tuuina atu o Auunaga Faa-lomitusi aupito sili ona lelei

* Sui o le Malo Alii mai i NuU le mavae.

1.6 FAATULAGAINA O LE MATAGALUEGA

OFISA O LE MINISITA

O le Afioga Tuala Ainiu Iusitino na tauaveina pea le tofiga Minisita o le Matagaluega o Tina ma Tamaitai, Atinae o Nuu ma Afioga ma Aga Fesootai i le tausaga faaletupe o ripotia nei, seia aulia le le Aso luasefulu o Aperila 2006 (20/04/2006) ina ua tofia le Afioga Fiamē Naomi Mataafa e avea ma Minisita mo le Matagaluega.

O LE OFISA SILI O PULEGA

O loo tumau pea le tauaveina e Luagalau Foisagaasina Etuati-Shon o le tofiga Ofisa Sili o Pulega o le Matagaluega


VAEGA O LE MATAGALUEGA

O loo tumau pea Vaega e ono(6) o le Matagaluega pei ona sau ai i le tausaga faaletupe leni 05/06. E aofia ai le (1)Vaega mo le Lotoifale, (2)Vaega mo Tina ma Tamaitai, (3)Vaega mo Tupulaga Talavou, (4)Vaega mo Lomitusi, (5)Vaega mo Pulega Faa-ofisa ma le (6)Vaega mo Suesuega, Faiga Faavae, Fuafuaga ma Faamatalaga Faamaumauina.

O Vaega taitasi o le Matagaluega sa taitaia e Pule Lagolago, o i latou nei sa feagai ma tali atu i le Ofisa Sili o Pulega. E lua Pule Lagolago fou na tofia i le tausaga faaletupe o ripotia nei, o i laua nei sa pale mai mo le taitaiina o le Vaega mo le Lotoifale ma le Vaega mo Pulega Faa-Ofisa. O loo lisiina atu i lalo Pule Lagolago mo Vaega taitasi o le Matagaluega.

- Vaega mo Mataupu Tau Lotoifale - Maulolo.L.T.Amosa
- Vaega mo Tina ma Tamaitai - Kuiniselani Tago
- Vaega mo Tupulaga Talavou - Sydney Fa’asau
- Vaega mo Lomitusi - Laulu Tevaga Alosio
- Vaega mo Suesuega Faiga Faavae, Fuafuaga ma Faamatalaga Faamaumauina - Faasili Afamasaga
- Vaega mo Pulega Faa Ofisa - Maiava Viiga Fuimaono/ Faauiga Mulitalo

O le Vaega o Pulega lea e aofia ai le Ofisa Sili o Pulega ma Pule Lagolago, sa nafa lea ma le puleaina ma le faamaopoopoina o galuega faatino a le Matagaluega o Tina ma Tamaitai Atinae o Nuu ma Afioga ma Aga Fesootai.



1.7 AUFAIGALUEGA

Aufaigaluega a le Matagaluega i Vaega, Ituaiga faapea Tulaga eseese.

VAEGA	Ofisa Sili o Pulega / Pule Lagolago		Ofisa Sinia Sili		Ofisa Sinia		Ofisa		Ofisa Lagolago		Togiaso		Aofaiga i Vaega Taitasi
	A	T	A	T	A	T	A	T	A	T	A	T	
Ofisa o le Ofisa Sili o Pulega		1*	1			2					1		5
Vaega mo Pulega Faaofisa	1	1	1	2		1	2	2	1	4	2	2	19
Vaega mo Lomitusi	1		1		2	1	2	1	4	2	12	1	27
Vaega mo le Lotoifale	1		1		1	2	2	1		1	4		13
Vaega mo Tina ma Tamaitai		1		1			1	6		1	2	1	13
Vaega Tupulaga Talavou	1		1	1	1	1	1	2		1	1		10
Vaega mo Suesuega, Faiga Faavae, Fuainumera Faamaumauina		1	1			1	1	1		1	1		7
<u>TUUAOFAIGA</u>	4	4	6	4	5	6	9	14	5	10	23	4	<u>94</u>
Aofaiga o Alii							52						
Aofaiga o Tamaitai							42						

A – Alii T – Tamaitai * Ofisa Sili o Pulega

VAEGA 2: TULAGA UA AUSIA MA GALUEGA FAATINO

2.1. OFISA O LE MINISITA

O le suiga i le tofi Minisita mo le Matagaluega o Tina ma Tamaitai, Atinae o Nuu ma Afioga ma Agafesootai, mai i le Afioga Tuala Ainiu Iusitino i le Afioga Fiaame Naomi Mataafa i le tausaga faaletupe lenei 2005 – 2006; na iai foi ma suiga i le au-faigaluega mo le Ofisa o le Minisita. E ui i nei suiga, sa faatumauina pea auaunaga faapea matafaii masani a le Ofisa o le Minisita e pei ona sau ai.

O Failautusi a le Minisita sa nafa ma auaunaga faafailautusi, aua le faamautinoaina o le tuuina atu o auaunaga moomia mo le sologa lelei o galuega faatino a le Minisita i aso taitasi. O le ave taavale a le Minisita sa nafa ma le vaaia lelei faapea le faafoeina o le sa o le Minisita i ana femalagaiga i fonotaga ma polokalame faale-Malo e auai atu iai.

O le Ofisa Sili o Pulega sa nafa lea ma le tuuina atu o faamatalaga i le Minisita i mataupu patino i le Matagaluega pe a manaomia. E faapea foi ona tapa e le Minisita fautuaga mai le Ofisa Sili o Pulega, aemaise lava i mataupu tau i le foiaina o faafitauli poo ni fe'ese'eseaiga e aafia ai Pulenuu.

O le Ofisa o le Ofisa Sili o Pulega ma le Vaega mo Pulega Faa-Ofisa, sa feagai ma le tuuina atu o le lagolago ma auaunaga lautele i le Minisita ma lona Ofisa i le tausaga faaletupe o ripotia nei 2005-2006. O le vasega o Pule Lagolago sa nafa lea ma le tuuina atu o fautuaga ma le lagolago faapitoa i le Minisita pe a manaomia.

MINISITA LAGOLAGO

Na faamauina foi i le tausaga faaletupe lenei suiga i le Ofisa o le Minisita, lea ua suia mai ai le Failautusi Faa-Palemene e tasi sa iai i le lua o Minisita Lagolago, faapea le suia o Matagaluega i lalo o vaaiga a Minisita. O le Afioga Moefaaauo Lufilufi ma le Tofa Tuiloa, o i laua ia ua tofia e avea ma Minisita Lagolago mo le Matagaluega nei. O matafaii lava pei ona faatinoina e Failautusi Faa-Palemene o loo faatinoina e Minisita Lagolago.

Fonotaga / Konoferenisi faa-va-o-malo ma faaitulagi na auai i ai le Minisita i le tausaga faaletupe 05/06.

- ❖ Na auai atu le Afioga Tuala Ainiu Iusitino i le fonotaga lona lua(2) a Minisita mo Tupulaga Talavou i le Pasefika, sa usuia i le laumua o Papua Niukini o Port Moresby, mai le aso 5 – 7 Tesema 2005.
- ❖ Na auai atu le Afioga Fiaame Naomi Mataafa i le fonotaga a Minisita mo Tupulaga Talavou a Malo o le Taupulega sa usuia i Nassau, Bahamas i le aso 22 – 26 Me 2006. Na auai atu foi i le Koneferenisi lona fa(4) a Minisita mo Tina ma Tamaitai a le Pasefika ma le Atu-Asia, faapea le Fonotaga Faa-Palemene mo Tina ma Tamaitai i Ueligitone, Niu Sila, i le aso 11 – 12 Iuni 2006.

Ofisa o le Minisita	2004-2005	2005-2006
Tagata Faigaluega	55,407	66,652
Tupe alu mo le Faagaioiga	121,600	117,275
Tupe Faavae	52,261	54,938
Aofai tupe faatatauina	229,268	238,865

2.2. OFISA O LE OFISA SILI O PULEGA

O loo faaauauina pea le avea o le Afioga Luagalau Foisagaasina Eteuati-Shon ma Ofisa Sili o Pulega o le Matagaluega i le tausaga faa-le-tupe o ripotia nei 05/06. I lana matafaioi tau agavaa faapitoa, sa faatinoina ai auaunaga nei:

1. Faufautua i le Minisita i tulafono ma faiga faavae patino ma fesootai ma le Matagaluega.
 - ❖ Manaomia le fausiaina o se Faiga Faavae mo le Atinae o Nuu ma Afioga.
 - ❖ Manaomia le fausiaina o se Faiga Faavae mo le Soifua Manuia Lautele ma Agafesootai.
 - ❖ Ia fausia se faiga faavae mo le Vaega mo le Lotoifale e fai ma taiala ma lima taitai'ina ai Matagaluega o fia tuuina atu ni polokalame mo nuu ma afioaga e tauala atu i Pulenuu.
 - ❖ Ia faamautu loa le Faiga Faavae mo Tamaiti mo le iloiloaina / talanoaina.
 - ❖ Tuuina atu suiga poo faaopoopoga talafeagai mo le tulafono taufaaofi e faavaeina ai le Matagaluega o Tina ma Tamaitai Atinae o Nuu ma Afioga ma Agafesootai.
2. Faamalosia, atinaeina ma faaauauina galuega faa-paaga faavaomalo ma faaitulagi.
 - ❖ Auai atu i le fonotaga lona lua a le Komiti Faafae mo auaunaga tau agafesootai, usua i Bangkok i le aso 1 – 3 Novema 2005.
 - ❖ Auai atu i le Koneferenisi lona sefulu{10} a le Pasefika faatatau i le “Sauaina ma le Tuulafoaiina o Fanau” usua i Ueligitone, Niu Sila. 14 – 16 Fepuari 2006
3. Faatumauiina le va galulue faa-paaga ma faalapotopotoga faavaomalo ma faaitulagi.
 - ❖ Auai atu i le fonotaga a le Komiti Faufautua mo tupulaga talavou a Malo o le Taupulega a le Itulagi i Nadi, Fiti i le aso 19 – 23 Setema 2005
 - ❖ Auai atu i le fonotaga e faatatau i le “Sauaina ma le tuulafoaiina o fanau” lea na usua i Suva, Fiti i le aso 26 – 28 Setema 2005.
4. Tuuina atu o fautuaga i faiga faavae a isi Matagaluega ma Faalapotopotoga e fesootai ma auaunaga, ma faiga faavae a le Matagaluega mo Tina ma Tamaitai Atinae o Nuu ma Afioga ma Agafesootai, e tauala atu i lona tulaga faasui auai i le tele o Komiti Faafae ma Komiti Faapitoa a le Malo, faapea Komiti a isi Matagaluega a le Malo. O le naunautaiga, ia mafai ona atagia ma iai se leo o le Matagaluega i faatalatalanoaga, felafolafoaiga ma faaiuga fai a nei Komiti.
5. Faamalosia ma faamautuina le galulue faa-paaga ma vaega tumaoti ma paaga masani i itu e lelei mo le Matagaluega faapei o le faatuina o le Komiti Faufautua mo Tupulaga Talavou lea na pasia aloaia e le Kapeneta i le tausaga faaletupe lenei 05/06. O loo galulue pea le Ofisa Sili o Pulega ma le Pule Lagolago o le Vaega o Tupulaga Talavou i le tau tuufaatasia o sui auai faapea matafaioi ma galuega autu a lenei Komiti.
6. Taulamua ma taitaiina le faatinoina o le polokalame faa-poloketi mo le faamalosia ma le atinaeina o tomai ma agavaa o le Matagaluega ina ia siitia ma faaleleia atili lana auaunaga

O le puleaina atoa o le Matagaluega e aofia ai le vaaia o le faatinoga o galuega ma le faaaogaina o tupe, sa nafa ma le Ofisa Sili o Pulega i lona tulaga faa-taitai. O vaega patino sa i lalo o lana taitaiga e aofia ai le:

- ❖ Vaaiā o le faatinoina o le:
 - Iloiloina o le “Taiala o Auaunaga” ma le “Fuafuaga Autasi” lea na faatinoina e le Pulega ma Ofisa Sinia. O fonotaga tai lua masina a le au-faigaluega lautele, na mafai ona mataitu ma faalauteleina ai le silafia o le au-faigaluega i nei taiala.
 - Iloiloina ma le faaleleia o le Tusi Taiala Faatonutonu lea na nafa ma le Pulega, aemaise lava pe a tulai mai ni mataupu e faaaogaina ai.
 - Iloiloga faa-le-masina a le Pulega i le tulaga o iai le tala faatatau o le tupe a le Matagaluega.
 - Tapenaga mo le iloiloina o galuega o le afa tausaga o le tausaga faaletupe 2005 / 2006.
 - Tapenaina o le Tala faatatau o le Tupe mo le tausaga faaletupe 2006/2007
- ❖ Faatinoina o iloiloga tai kuata tausaga mo le tausaga faaletupe 05/06 faatusatusa i ala fua o faataoto i totonu o le tala faatatau o le tupe 2005/2006 ma Fuafuaga o Galuega Faatino Faale-tausaga 2005/2006.
- ❖ Fai ma sui o le Matagaluega i fonotaga a le Komiti mo Atinae a le Kapeneta.
- ❖ Auai ma lagolago i le faatinoina ma le mataituina o polokalame ma poloketi a le Malo, faapea le mautinoa o le tuuina mai o ripoti a Pule Lagolago o loo auai atu e fai ma sui o le Matagaluega i Komiti Faafoe a poloketi ma polokalame a isi Matagaluega. (Matagaluega o Soifua Maloloina; Matagaluega o Aoga, Taaloga ma Aganuu; Matagaluega o Punaoa Faalenatura ma le Siosiomaga; Matagaluega o Faatoaga ma Faiga-faiva)
- ❖ Auai atu i Komiti Faafoe ma Komiti Autu a Poloketi e aofia ai le SIAM II, TALAVOU, ma le Komiti Faafoe o le Polokalame mo Iloiloga o Malosiaga Faa-lotoifale a le Matagaluega o Punaoa Faalenatura ma le Siosiomaga.
- ❖ Auai atu i fonotaga faapitoa a Komiti Faafoe ma Komiti Autu : Komiti Faapitoa a le Aoga o Matata-Ese’ese; Komiti a le Pulega o Tusipasi ma Faailoga Tauloa; Komiti o Pine Tauloa; Komiti Faafoe a le Ofisa mo Atinae o Pisinisi Laiti; Komiti Aoa mo le Aia Tatau o le Tamaititi (NCCRC); Komiti o le Ie Samoa; Komiti Faafoe o le Televisi Samoa; Komiti e Pasiaina Ata Tifaga; Komiti o le Pulea o Fuafuaga mo le Talafatai o le Taulaga(PUMA); Komiti Atinae a le Kapeneta, Komiti Faafoe le PSIF.
- ❖ Faufautua i le Afioga i le Minisita i mataupu e patino i le auaunaga a le Matagaluega o Tina ma Tamaitai, Atinae o Nuū ma Afioaga ma Agafesootai, aemaise tulaga tau faiga faavae ma fuafuaga, lavasiga ma mataupu a le Pulega. Tapenaina o Pepa mo le Kapeneta mo le faamaonia e le Minisita ma le pasiaina e le Kapeneta.
- ❖ Saunia ripoti faale-kuata tausaga e faatatau i galuega faatino ma polokalame a le Matagaluega.

Vaega o Faamatalaga Faatekonolosi

Na faaauauina pea le vaega leni i lalo o le Ofisa o le Ofisa Sili o Pulega i le tausaga faaletupe 2005/2006. E toatasi le tamaitai faigaluega o lea vaega, ma o ia sa nafa ma le tuufaatasia o le ala ata faatekonolosi mo le Matagaluega, ma matafaioi nei:

ASO	GALUEGA FAATINO
Iulai 2005	Resitaraina aloaia o le tuatusi a le Matagaluega www.mwcsd.gov.ws i fesootaiga faatekonolosi faaonaponei. Feutagai ma kamupani fai masini faaneionapo mo ni ata faataitai ma polokalame talafeagai mo le ala faamatalaga faaonaponei a le Matagaluega. Faamutaina le ala faamatalaga faaonaponei a Pulenuu, faapea le teuina uma o faamatalaga sa iai.
Aukuso 2005	Faatinoina suesuega i mea faigaluega eseese mo le atinaeina o ala faamatalaga faaonaponei. Vaavaai i ala faamatalaga faaonaponei o loo faaaogaina e isi Matagaluega a le Malo.

Setema 2005	Asia vaega taitasi o le Matagaluega ma talanoaina ai ituaiga faamatalaga e moomia mo le tuuina atu i itulau a vaega eseese, ma faaauauina suesuega i polokalame tau-tekonolosi eseese.
Oketopa2005	Suesueina polokalame faapitoa e fausia ai ala ata faonaponei. Amata faatinoina fuafuaga ma ata faataatitia tusitusia mo le ala faamatalaga a le Matagaluega.
Novema2005	Ua mafai ona taulimaina le polokalame talafeagai mo le atinaeina o le ala faamatalaga faonaponei a le Matagaluega. Toe tagai ma toe iloilo ina le polokalame ua filifilia, ma amata loa ona aoina mai faamatalaga mai le Vaega o Suesuega, Faiga Faavae, Fuafuaga ma Faamatalaga Faamaumauina.
Tesema 2005	Laasaga mo le fuafuaina o se ata faataatia - faavaa ma ata faataitai o le itulau autu poo le itulau muamua o le ala faamatalaga a le Matagaluega.
Ianuari2006- Mati 2006	Laasaga mo le fuafuaina o se ata faataatia - mo itulau a Vaega eseese e aofia ai le lapopoa o mataitusi, faataatiaga o faamatalaga, ata ma mamana eseese talafeagai.
Aperila 2006	Laasaga mo le fuafuaina o se ata faataatia – toe iloilo ma mataituina itulau a vaega taitasi ina ia mautinoa ai le tutusa ma ta tasi i le faataatiaga e tasi ina ia pae lelei.
Me 2006	Fetufaai ma i latou faapitoa i le tuufaatasia o ala faamatalaga, e tusa ai ma le ata faataatia ua maea fuafuaina mo le ala faamatalaga a le Matagaluega.
Juni 2006	Laasaga o le faatinoina o fuafuaga: sa amatalia galuega faatino i le itulau muamua poo le itulau autu e fua i le ata faataatia sa fuafuaina.

Vaega o Pueata

O le tasi lena o vaega na i lalo o le vaaiga a le Ofisa o le Ofisa Sili Pulega, ma sa latou faatinoina i le tausaga faaletupe 05/06 galuega faatino e pei ona lisiina atu i lalo, aemaise lava le tuuina atu o auunaga pueata ma faaleotele leo faapea le lisiina atu o masini mo le faaogaina e Matagaluega ma faalapotopotoga e talosagaina.

Vaega o Pueata : Faaogaina [totogi] o masini.

<u>Aso</u>	<u>Matagaluega/Vaega/Faalapotopotoga</u>	<u>Masini sa Faaogaina</u>
30/8/05	Ekalesia Faapotopotoga Kerisiano Samoa.	Seti atoa faa-leotele leo
18/7&28/7/05	Matagaluega o le Siosiomaga, Punaoa Faalenatura ma le Vaai-tau	Seti atoa faa-leotele leo
9/9/05	Society Inc.	2 masini faaleotele leo
12/10/05	South Pacific Games	Seti atoa faa-leotele leo
17-19/10/05	Samoa National Provident Fund	Seti atoa faa-leotele leo
30/10/05	Metotisi Faatoia	Seti atoa faa-leotele leo
2/11/05	Society Inc	2 masini faaleotele leo
21-22/11/05	Matagaluega o Tupe	Seti atoa faa-leotele leo
23/8/05	Vaega mo Tina ma Tamaitai : CRC	Seti atoa faa-leotele leo
14&16/10/05	Vaega mo Tina ma Tamaitai: HECA Polokalame mo atinae laiti	Masini Pueata
6/12/05	Samoa Primary School	Seti atoa faa-leotele leo
16/2/06	South Pacific Games Authority: Faleata Golf Courts	Seti atoa faa-leotele leo

28/2/06	South Pacific Games Authority: NUS Gym 3	Seti atoa faa-leotele leo
13-18/3/06	South Pacific Games Authority: Tuanaimato	Seti atoa faa-leotele leo
30-10/4/06	South Pacific Games Authority : Tuanaimato	Seti atoa faa-leotele leo
22/5/06	Matagaluega o le Siosiomaga, Punaoa Faalenatura ma le Vaai-tau	Seti atoa faa-leotele leo
5/4/06	Vaega mo Tupulaga Talavou: Tatalaina o le Polokalame o le TALAVOU	Seti atoa faa-leotele leo & Masini Pueata
12-19/4/06	Vaega mo Tupulaga Talavou: Tauvaga Tauloa a Tupulaga Talavou.	Masini Pueata
16-26/5/06	Vaega mo Tupulaga Talavou: Aoaoga mo Faiaoga	Seti atoa faa-leotele leo & Masini Pueata
24/3/06	Vaega mo le Lotoifale: Fonotaga a Pulenuu	Seti atoa faa-leotele leo
28/4/06	Vaega mo le Lotoifale: Fonotaga a Pulenuu	Seti atoa faa-leotele leo
26/5/06	Vaega mo le Lotoifale: Fonotaga a Pulenuu	Seti atoa faa-leotele leo
30/6/05	Vaega mo le Lotoifale: Fonotaga a Pulenuu	Seti atoa faa-leotele leo

Ofisa ole Pule Sili	2004-2005	2005-2006
Tagata faigaluega	523,278	557,001
Tupe alu mo le faagaioiga	212,710	124,999
Tupe faavae	74,951	85,023
Aofai tupe faatatauina	810,939	767,024

2.3. VAEGA MO LE LOTOIFALE

Na faaauauina pea le faatinoina e le Vaega mo le Lotoifale, o auaunaga ma polokalame mo le atinaeina o nuu ma afioaga. E aofia i nei auaunaga le uunaia malosi o faiga-nuu lelei, faamautinoaina o le lava ma le maua pea o meaai mo le fofoga taumafa, ma le toe faaolaolaina o measina ma aganuuu moni a Samoa, aua lava le fesoasoani i le tamaoaiga o nuu ma afioaga. O loo faaauauina pea le galulue soosoo-tauau o le Vaega mo le Lotoifale ma Pulenuu (ma Sui o le Malo) faapea Komiti o Pulenuu i Upolu, Savaii, Apolima ma Manono, i le asiasiga o auala galue mo le toe atinaeina o faatoaga aua le faaleleia ma le maua pea o fua o faaeleleaga.

TULAGA AUSIA

Asiasiga o Auala Galue.

E le i mafai ona faatinoina i le tausaga faaletupe o ripotia nei 2005/2006 le tauvaga masani o fua o faaeleleaga ona o le lava o le tulaga tau seleni. O asiasiga o auala galue na faatinoina lea i le tai lua masina i le tausaga faaletupe 2005/2006. O le faamoemoe o nei asiasiga, o le faamautinoaina lea o le maua e le mamalu o le au fai faatoaga o auala lelei ma le faigofie i fanua galue o nuu ma aiga; aua lava le siitia pea o fua o faaele'eleaga mo le fofoga taumafa o le atunuu; faapea foi ma le atinaeina o le tamaoaiga o nuu ma afioaga.

Fonotaga a Pulenuu/Sui o le Malo i Upolu/Savaii, faapea le Komiti o Pulenuu i Upolu/Savaii.

Na mafai ona tuufaatasia ma faatautaia e le Vaega mo le Lotoifale ni fonotaga faa-le-masina se sefulu ma le lua{12} mo le Komiti o Pulenuu. O le auga o nei fonotaga o le uunaia ma le faamautinoaina lea o le auai ma le silafia o sui o le Komiti, i polokalame atinae o loo faatinoina e le Malo i nuu ma afioaga i tua. O le maea o fonotaga a le Komiti o Pulenuu, ona sosoo ai lea ma le fonotaga aoao a Pulenuu ma Sui o le Malo mai nuu ma afioaga eseese i le aso lava lea e tasi.

	Savaii	Upolu
Komiti o Pulenuu	30	36
Pulenuu	83	158*

* aofia ai ma Sui o le Malo

Polokalame mo le Atinae o Nu'u ma Afioaga

Na mafai ona faataunuaina ni polokalame faa-leaoaga se lua, e faamasani ai i latou mai fafo{pisikoa} o loo ofoina fua mai la latou auaunaga mo Samoa i lalo o le Vaega mo le Lotoifale. O Novema 2005, na faataunuaina ai lenei faamoemoe i Manase mo le motu tele i Salafai, ae o le Faletalimalo o Aggie Grey sa faataunuaina ai lea faamoemoe mo le motu i Tumua nei. O le auga o nei aoaga e lua{2}, o le taumafai lea e faamalamalama nafa ma matafaioi a le Vaega mo le Lotoifale ma i latou ia o ofo fua mai la latou auanaga i le faatinoina o lenei polokalame.

Na faaauuina pea le galulue sosoo tauau o le Vaega o le Lotoifale ma le Ofisa o Pisikoa i Samoa i le faataunuaina o polokalame atinae mo nuu ma afioaga filifilia. O le auga o nei polokalame, o le atinaeina lea o le silafia ma tomai o i latou o i tua i afioaga i auala ma polokalame e atinae ai nuu, talosagaina ai fesoasoani mai i faalapotopotoga, ae faapea ai foi le vaaia ma le pulea e i latou lava o nei atinae.

Na faaauu pea le faatinoina e le Vaega mo le Lotoifale o lana pito laau i le filifiliaina lea o nuu ma afioaga mo atinae talafeagai. E le gata i lea, na faatinoina foi aoaga faamasani mo aiga o le a nonofo ai pisikoa, faapea Pulenuu ma Sui o le Malo Tamaitai o afioaga filifilia mo polokalame ma atinae ese'ese. Na faataunuaina foi aoga faamasani mo Pisikoa i tua i nuu ma afioaga, aemaise le mataituina ma le tulimatai'ina o le faagasologa o polokalame, faapea auala e foia ai se faafitauli e ono tupu mai ao faatinoina le polokalame.

Aoaga mo Pulenuu ma Sui o le Malo

E sili atu ma le sefulu (10) fonotaga faaleaoaga, semina ma aoaga sa faatautaia e le Vaega o le Lotoifale mo Pulenuu o Upolu ma Savaii, e faatautaia i polokalame eseese o faatinoina e nisi o Matagaluega a le Malo ma Faalapotopotoga Tumaoti. O Matagaluega a le Malo sa auai e aofia ai le Matagaluega o Faamasinoga, Pulega o Uafu ma Taulaga, Matagaluega o Tupe Maua ma Tiute, Matagaluega o Faatoaga ma Faigafaiva (Vaega Faa'asu), Pulega o le Suavai, Matagaluega o Puna'oa Faalenatura ma le Siosiomaga ma le Matagaluega o Leipa, Fefaatauaiga ma Alagamanuia. O Faalapotopotoga Tumaoti na auai e aofia ai le Matuaileo'o Environment Trust Incorporation (METI), Faamalu e Pulea Faalapotopotoga Tumaoti (SUNGO) ma le Sosaiete mo le Siosiomaga. O le tele o nei Matagaluega na talosaga mai i le Vaega mo le Lotoifale, mo se avanoa e faalauiloa atu ai i Pulenuu a latou polokalame ma atinae aua lo latou silafia ma le tuuina atu o la latou lagolago. O isi Matagaluega na talosagaina e le Vaega mo le Lotoifale lo latou auai, aua le faalauiloaina o a latou auaunaga ma matafaioi aua le nofo malamalama ma le silafia e tofi Pulenuu ma Sui o le Malo.

Fua o faaeleleaga / faatoaga

I le tausaga faaletupe lenei 2005/2006, na maitauina ai i suesuega i le maketi a le Vaega mo le Lotoifale le eseese o vaega o le atunuu e lelei ma tele mai ai ituaiga o fua o faatoaga eseese e fetau ma le ituaiga palapala/elele. Na faamautuina i le suesuega le tele o le talo e sau mai Lefaga & Faleseela, Safata, Siumu, Falealili ma Aleipata O le koko Samoa, taamu ma aufai, na maitauina le tele mai Laulii, Tanugamanono, Vailima, Malie, Afega ma nuu mai le atu Aana. O fualaau-faisupo, na maitauina ai le tele o le au fai faatoaga mai Aleisa, Tanumalala ma Faleasiu. O isi foi fai faatoaga e omai afioaga eseese, peitai e le malosi ma toatele e pei o nuu ma itumalo o taua i luga.

Poloketi faamamaina o alavai i nuu tu-taulaga

Na auai le Vaega mo le Lotoifale i lenei polokalame ona o lana fesootaiga vavalalata ma nuu ma afioaga e auala atu i Pulenuu ma Sui o le Malo. O afioaga nei na auai i lenei polokalame i le tausaga faaletupe lenei 2005/2006: Fugalei, Vaimea, Lalovaea, Taufusi, Tuloto, Tauese, Apia Park.

E onosefulu-fitu (67) aiga mai nuu filifilia na resitaraina mo lenei poloketi. O aiga resitaraina na nafa ma le faamamaina o alavai mai otaota ina ia mama ma tusa ai ma alafua faataatitia e le Komiti, aua le mauaina o alauni fuafuaina mo galuega faatino. E fa(4) Pulenuu mai afioaga na filifilia sa tofiaina i totonu o le Komiti o le Poloketi, faatasi ai ma sui mai Matagaluega lautogia a le Malo (1)Matagaluega o Galuega, Felauaiga & Atinae Tetele (2) Matagaluega o Punaoa Faalenatura, Siosiomaga ma le Vaai-tau (3) Matagaluega o le Soifua Maloloina (4) Matagaluega mo Tina ma Tamaitai, Atinae o Nu'u & Afioaga ma Agafesootai.

E lua asiasiga a le Komiti sa faataunuaina i totonu o masina taitasi, o le maea ai o le asiasiga lona lua ona sosoo ai lea ma le fonotaga faa-le-masina aua le talanoaina o mataupu ma tulaga na maitauina i asiasiga a le Komiti. E ui i lea, sa iai nai asiasiga sa lei mafai ona faataunuaina ma tolopoina, ona o tulaga louloua o le tau, ma le le avanoa o le sa o le Matagaluega o Galuega sa faaogaina e le Komiti mo asiasiga. O le aotelega o le galuega sa faatinoina e aiga resitaraina o le polokalame, sa faamalieina le Komiti ma sa atoatoa le faatautaiga o le galuega i le faamamaina ma le vaaia lelei o alavai.

Fofoina o Faafitauli i Nu'u ma Afioaga

E lei iai ni feese'eseaiga tuga ma ogaoga na tulai mai i le tausaga faa-le-tupe lenei 2005/2006 na feagai ma le Vaega mo le Lotoifale. Na pau faafitauli na tapaina ai le fesoasoani a le Vaega mo le Lotoifale o faafitauli laiti sa mafai lava ona soalaupule ma fofa faa-tamalii ma le tofi Pulenuu ma Alii ma Faipule. O nei faafitauli e aofia ai mataupu tau i le filifiliaina o tofi Pulenuu/Sui o le Malo i totonu o nuu ma afioaga ua feteenai ai finagalo, faatinoina o tiute ma tofi o le Pulenuu/Sui o le Malo, resitaraina o suafa matai, faapea mataupu tau tupe e aafia ai le tofi Pulenuu ua le malilie ai nisi vaega o le nuu.

Fuafuaga mamao mo Nofoga Mau'alalalo ma Nofoga Tu-lalata i le Sami.

O le tasi lenei o polokalame taua na auai ai le Vaega mo le Lotoifale. O le auga o lenei polokalame o le fia logo puialii'ina lea o le mamalu o le atunuu i le matautia o faalavelave faalenatura i le gataifale ma nofoaga mau'alalalo, auala e faaititia ai aafiaga, faapea le toe fuataina ma le toe faaleleia/atinaeina o nuu ma afioaga pe a maea afa. O lenei polokalame sa fale i lalo o le Matagaluega o le Siosiomaga, Punaoa Faalenatura ma le Vaai-tau. I le tausaga faaletupe lenei, na faaauaina ai le lagolago a le Vaega mo le Lotoifale i lona tulaga faa-sui auai, i le tuuina atu o lenei polokalame i tua i nuu ma afioaga e tualala atu i Pulenuu ma Sui o le Malo. Na fesoasoani malosi le Vaega mo le Lotoifale i le faasufiina mai o le lagolago a nuu ma afioaga, faapea pulega mamalu a Alii ma Faipule i le faatinoina o lenei fuafuaga. O le tausaga faa-letupe lenei 2005/2006, na vaaia ai

le faaiuiu o lenei polokalame e pei ona sa fuafuaina, e faaiuina i le tausaga 2006 ma amata loa lona iloiloga.

Komiti o le Faleula

Na faaauauina le lagolago a le Vaega mo le Lotoifale i le tuuina atu o auunaga faa-failautusi i le Komiti o le Faleula, lea sa feagai ma le toe lagaina o aganuu ma measina a Samoa. O le Komiti o le Faleula e faia a latou fonotaga i aso uma.

Tusi Faamama’avega

O le faamoemoe autu o lenei tusi, ina ia faamama le avega o loo tauaveina e o tatou aiga i le faatinoina o faalavelave Faa-Samoa, e aunoa ma le faaitiitia poo le aveesea foi o le mamalu ma le faavae na sau ai le aganuu. O lenei faamoemoe o se tofa na ae i le Malo ina ia fesoasoani ai i faigata tau tamaoiga ma agafesootai o loo feagai ma aiga i faalavelave faapei o maliu, saofai ma faaiipoipoga. O le tausaga faa-le-tupe lenei 2005/2006 na mafai ona tuuina atu ai i le mamalu o le Kapeneta le Ata Faataitai mulimuli o le Tusi Faamama’avega mo le iloiloina ma le pasiaina.

Tusi o Alagaupu, Mavaega ma Tofiga o Samoa

O le tausaga faaletupe na tea atu nei 2004/2005 na amata faatalatalanoa ai e le Komiti o le Faleula lenei galuega, ma le faamoemoe ina ia mafai ona faamaumauina ai alagaupu ma muagagana e lei faamaumauina ma faapepaina, faapea o latou mafuaaga ma o latou faaaogaina talafeagai. I le tausaga faaletupe lenei 2005/2006, na amata tuufaatasia ai le uluai ata faataitai o lenei tusi ma faamautuina aua le tuuina atu mo le iloiloga a le mamalu o le Kapeneta ma le pasiaina.

Vaega Lotoifale	2004-2005	2005-2006
Tagata Faigaluega	1,257,163	1,352,304
Tupe alu mo le faagaioiga	203,697	192,314
Tupe faavae	52,261	66,907
Aofai o tupe faatatauina	1,513,121	1,611,524

2.4. VAEGA MO TINA MA TAMAITAI

O le Vaega mo Tina ma Tamaitai sa faaauauina pea le tauaveina o lana matafaioi o le avea ma taiulu i le faatinoina o le Feagaiga o le Aveesea o Soo se Ituiga Faailogatagata Faasaga i Tina ma Tamaitai(CEDAW), faapea le Feagaiga mo Aia Tatau a le Tamaitiiti(CRC). Na faaauauina foi le faatinoina o galuega masani a le Vaega mo Tina ma Tamaitai e ala i le uunaia, faatinoina, tulimata’ia faapea le tuuina atu o ripoti faatatau i le faatinoina o nei Feagaiga faavaomalo i Komiti o Malo Afaatasi o loo mataituina nei fuafuaga.

I le tausaga faa-le-tupe o loo ripotia 2005/2006, sa tumau pea vaega e fa(4) i lalo o le Vaega o Tina ma Tamaitai, lea e aofia ai : Vaega mo Polokalame ma Aooga, Vaega mo le Atinae o Nuua Afioaga i Upolu, Vaega Tutotonu mo Tina ma Tamaitai i Savaii ma le Vaega mo le Polokalame mo Tamaiti o le Pasefika e nafa ma le Puipuiina o Tamaiti mai sauaga ma le tuulafoai’ina.

I totonu o le tausaga faaletupe 2005/2006, e iai matatia na ausia e le Vaega mo Tina ma Tamaitai. O le tasi o nei matatia o le tapenaina ma le tuufaatasia lea o le uluai Ripoti a Samoa i le faatinoina o le Feagaiga mo Aia Tatau a le Tamaitiiti lea na sainia e Samoa i le tausaga 1994, ma tuuina atu i le Komiti a Malo Afaatasi mo lenei Feagaiga. O leisi o le tapenaina o le Faiga Faavae mo Tina ma

Tamaitai, faapea le Faiga Faavae Aoao mo Tamaiti. O le afuaga o le Faiga Faavae mo Tamaiti o se fuafuaga na faatupeina e le Faalapotopotoga mo le Soifua Maloloina a le Lalolagi i lalo o lana polokalame mo le uunaia o siosiomaga saogalemu mo tamaiti. O le Faiga Faavae mo Tina ma Tamaitai lea na toe tuuina aloaia atu i le Vaega mo Tina ma Tamaitai mo le faafouina ma le faaumaina ia Novema 2005, na mafai ona faatinoina i le fesoasoani tau seleni mai le Faalapotopotoga a Malo Afaatasi mo Tina ma Tamaitai; UNIFEM, ma le tala faataata o le tupe a le Malo.

O isi tulaga na ausia ma faatinoina e le Vaega mo Tina ma Tamaitai i le tausaga faaletupe 2005/2006, o loo lisiina atu i lalo i ona vaega eseese.

TULAGA UA AUSIA

Vaega mo le Atinae o Nuu ma Afioaga.

O le itutino leni o le Vaega mo Tina ma Tamaitai na nafa ma le faatinoina o le Polokalame o “Aiga ma Nuu Manuia”, faapea le tapueina ma le atinaeina o tomai ma agavaa o tina ma tamaitai i totonu o nuu ma afioaga; aemaise le iloiloaina ma le mataituina o galuega faatino a Sui o le Malo Tamaitai.

I le tausaga faaletupe leni 2005/2006, na matauina ai le faatuputupulaia pea o le talosaga mai o faalapotopotoga a tina ma tamaitai mai afioaga, mo polokalame tau tapueina ma le faalauteleina o le tomai ma agavaa. O le tele o faalapotopotoga ma Komiti o tina na talosagaina le manaomia tele o leni polokalame, aua le mauaina e tina e le o iai ni galuega o agavaa ma avanoa e faatinoina ai atinae aua tupe maua ma le tausaiaina o aiga. O le auga ma le faamoemoe na faatinoina ai le Polokalame o Aiga ma Nuu Manuia, o le faamautinoaina lea o le faaleleia ma le faamamaina o siosiomaga o nonofo ma soifua ai tina ma lona aiga faapea le faaalualuina i luma o tulaga tau agafesootai o aiga ma nuu.

O le tasi vaega na ave iai le faamamafa a mo le Vaega leni, o le sailia lea o ni avanoa mo le faaleleia atili o tomai ma agavaa o le afaigaluega latou te faatinoina ai ma faamalosia le iloiloaina ma le tuliloaina o galuega faatino a Sui o le Malo Tamaitai.

Tulaga Ausia i Galuega Faatino taitasi

- ❖ Tauvaga Lauie ma le U'a. E silia ma le selau(100) nuu ma afioaga na aofia i leni tauvaga mai Upolu ma Savaii. Na saunia tuutuuga, aiaiga faapea le maualuga moomia e fai ma alafua mo le sailia o tulaga ma nuu lautogia mo leni tauvaga. O le aofai o komiti a tina ma afioaga na auai i leni faamoemoe o se ata manino lea o le maualuga o le iai o le lagolago a Komiti a Tina i polokalame a le Malo.
- ❖ E sefulu ma lua(12) iloiloiga faasuesuega sa faatinoina i le tulaga ua iai le faatinoina o le polokalame o Aiga ma Nuu Manuia i afioaga i Upolu : Matautu Falealili, Vaimoso, Vaitele tai, Leauvaa, Savaia Lefaga, Faleasiu, Salelesi, Siufaga Falelatai, Satuimalufilufi, Eva, Aleisa, Utalii.
- ❖ E fitu(7) iloiloiga faasuesuega sa faatinoina mo le motu tele i Salafai, : Asaga, Saasaai, Salimu, Malae, Luua, Sapini, Siufaga.
- ❖ E 466 tina i Upolu na mafai ona fuaina ma suesueina i tuutuuga ma aiaiga faataatitia o le polokalame o Aiga ma Nuu Manuia ia Aperila 2006. O tina na auai e mai i afioaga o Manunu [24], Vaimoso [20], Moataa [35], Matautu Falealili [29], Vaitele Tai [16], Sauano Fagalooa [20], Leauvaa [20], Savaia Lefaga [28], Faleasiu [20], Salelesi [40], Siufaga Falelatai [50], Solosolo [20], Satuimalufilufi [35], Tufuiopa, Eva [20], Aleisa [40], Samatau [40], Utalii [22].
- ❖ E tolu fonotaga a le Komiti Galue a le Polokalame o Aiga ma Nuu Manuia na mafai ona faatautaia mo motu taitasi i le aso 13/1/2005, 12/1/2006, 13/6/2006.

- ❖ O nuu nei na ausia le silia atu ma le 35% ae i lalo ifo o le 45% o tulaga moomia mo atinae o fualaaui fai-supu : Matautu Falealili, Vaitele tai, Sauano Fagaloa, Faleasiu, Salelesi, Siufaga Falelatai, Solosolo, Utualii, Satuimalufilufi , Eva, Aleisa, Samatau.
- ❖ O nuu nei na mafai ona ausia le silia atu ma le 5% o tulaga moomia mo le saogalemu o aiga mai le taumafa tapaa, Moataa, Manunu, Vaimoso, Matautu Falealili, Vaitele Tai, Sauano Fagaloa, Faleasiu, Salelesi, Siufaga Falelatai, Solosolo, Utualii, Satui, Aleisa, Samatau
- ❖ E sefulu ma le iva[19] aoaoga sa faatautaia i Upolu mo faalapotopotoga a tina i tototnu o nuu ma afioaga aua lava le atinaeina ma le tapueina o le tomai ma le silafia o tina. E ono(6) aoaoga faapenei na faatinoina mo le motu tele i Salafai.
- ❖ Na faatinoina foi polokalame mo le atinaeina o tomai o ava a taulelea faapea tina ma tamaitai e le o iai ni galuega, i metotia ma auala e amata ai pisinisi ma atinae laiti aua ni tupe maua e tausii ai aiga. Na faatautaia nei polokalame i Upolu i le aso 20-24 Mati 2006 i Saoluafata, Samatau, Falevao, Saleimoa, Letogo, Faleapuna, Solosolo, Utualii, Lepea, Salamumu. Mo Savaii, na faatinoina i le aso 22/05/06 – 26/05/06, ae sa ave le faamamafa i le toe lagaina mai o mea- taulima Samoa ma le tautua tausaaia.
- ❖ I le aso 20 Fepuari 2006, na mafai ona faatinoina ai se faatalatalanoaga i Fogasavaii e faatatau i le mataupu o “Sauaga i Totonu o Aiga”.
- ❖ E silia ma le 400 tina ma tamaitai na mafai ona auai i polokalame faaleaoaoga aua le atinaeina ma le faalateleina o tomai o tina i auala e maua ai tupe e ala i pisinisi ma atinae laiti. O se numera siita’i lea pe a fua atu i tausaga ua mavae, ma sa aoina mai ai se tupe e STA \$2785 mai tina ma tamaitai na auai mai motu taitasi.
- ❖ Na faatinoina foi se iloiloga ma se suesuega e iloa ai le tulaga ua iai tomai ma le silafia o tina na auai i nei polokalame, ina ia iloa ai pe sa aoga nei aoaoga sa faatinoina. I Upolu sa faatinoina i le aso 16/05/06 – 19/05/06, ma Savaii o le aso 2/06/06-14/06/06, o ripoti o nei faatalatalanoaga ma iloiloga ua maea tuufaatasia.
- ❖ Sa faatautaia foi faatalatalanoaga i le ata faataitai o “siata faatonutonu mo le gaosiga o meataulima” ma sui o Komiti a Tina i Upolu 6 – 10 Mati 2006, ma Savaii i le aso 16 – 19 Me 2006.
- ❖ E sefulu ma le lua [12] fonotaga a Sui o le Malo Tamaitai na mafai ona tuufaatasia ma faatinoina, e ono mo le afa muamua o le tausaga faaletupe mai ia Iulai 2005 – Tesema 2005, ma leisi ono i le afa mulimuli mai ia Ianuari 2006 – Iuni 2006.

Vaega mo Polokalame ma Aoaoga

Na faaauauina pea le faatinoina e le Vaega mo Polokalame ma Aoaoga o polokalame tau aoaoga aua lava le faalauiloaina o Feagaiga mo Aia tatau a le Tamaitiiti; ma le Feagaiga mo le Aveesea o Soo se Ituaiga Faailoga-tagata Faasaga i Tina ma Tamaitai. Na faaauauina pea galuega faatino faifaipea mo nei Feagaiga e lua i le tausaga faaletupe atoa 2005/2006. O le Vaega leni sa tele lo latou sao i le atinaeina ma le tau tuufaatasia o Faiga Faavae mo Tina ma Tamaitai faapea le Faiga Faavae mo Tamaiti. Sa feagai foi ma le faatalatalanoaina ma paaga i fonotaga faa-le-masina, o mataupu ma galuega fai o Feagaiga Faavaomalo mo Aia Tatau a le Tamaitiiti, ma le Feagaiga mo le Aveesea o Soo Se Ituaiga Faailogatagata Faasaga i Tina ma Tamaitai.

Sa faamanuiaina foi le Vaega leni i le tausaga faaletupe leni 2005/2006 i le lagolago faapitoa na tuuina mai e Amepasa Talavou mai Ausetalia, e ala i le latou auaunaga ofo fua mai. O le tamaitai o Penelope Taylor, o se loia aloaia mai Ausetalia sa ofoina mai lana auaunaga ia Mati 2006, e ala lea i le iloiloaina o tulafono ma o latou fesootaiga ma le Feagaiga mo Aia Tatau a le Tamaitiiti. Sa galulue faatasi le tamaitai Amepasa ma le Ofisa Sinia Sili o le Vaega o Polokalame ma Aoaoga i le faatinoina o ana matafaioi ma galuega faatino, i lalo o le faamalumaluga a le Pule Lagolago..

Tulaga Ausia a le Vaega mo Polokalame ma Aoaoga

- ❖ E fitu[7] fonotaga a le Faa-Paaga o le Feagaiga mo le Aveeseina o Soo Se Ituaiga Faailogatagata Faasaga i Tina ma Tamaitai sa faatinoina i aso nei: 8/7/05, 5/8/05, 2/9/05, 7/10/05, 19/12/05, 10/01/06, 3/03/06, 6/04/06, 9/06/06. O le auga o nei fonotaga o le faatalanoaina ma le filifilia lea o auala ma galuega faatino aupito lelei aua le uunaia o lenei Feagaiga i Samoa..
- ❖ E sefulu ma le valu[18] ripoti i le faatinoina o le Feagaiga mo le Aveeseina o Soo Se Ituaiga Faailogatagata Faasaga i Tina ma Tamaitai, na maea tuufaatasia ma tuuina atu i le Pulega o le Matagaluega. E aofia ai i nei ripoti galuega faatino a le Feagaiga faapea galuega a le Vaega sa faatinoina i masina taitasi lea e iai ripoti nei:
 - Ripoti o le polokalame mo tina ma o latou taitoalua i Savaii 29/8/05 – 2/9/05
 - Ripoti o le polokalame mo tina ma o latou taitoalua i Upolu 24/10/05 – 28/10/05
 - Minute o fonotaga faa-le-masina a Faa-Paaga o le Feagaiga mo le Aveeseina o Soo Se Ituaiga Faailogatagata Faasaga i Tina ma Tamaitai, mo Iulai, Aukuso, Setema, Oketopa ma Tesema.
 - Ripoti o le iloiloga o “Fuafuaga Mamao” mo le tali atu i aafiaga o le faamai oti {AIDS} i tina ma tamaitai Samoa 2001/2005, faapea minute o fonotaga i le aso 30/9/05.
 - Ripoti o le pepa sa laugaina e faatatau i le kenera ma le tulaga o le aganuu, sa faatinoina i le polokalame faamasani a Pisikoa i le aganuu o Samoa i le aso 14/9/05.
 - Ripoti i le Pepa faatatau i le Kenera ma le tulaga o le aganuu, i le aoga faamasani a tamaiti pisikoa i le aso 14/7/05
 - Ripoti o le fonotaga faaleaoaoga faatatau i le kenera ma puipuiga tau-agafeasootai 15/9/05.
 - Ripoti faatatau i le faatinoina o galuega faatino- Iulai 2005.
 - Ripoti faatatau i le faatinoina o galuega faatino Setema 2005.
 - Ripoti faatatau i le faatinoina o galuega faatino Aukuso 2005.
 - Ripoti faatatau i le faatinoina o galuega faatino Oketopa 2005.
 - Ripoti faatatau i le faatinoina o galuega faatino Novema 2005
 - Ripoti faatatau i le faatinoina o galuega faatino Tesema 2005.
 - Fonotaga faaleaoaoga mo tina ma o latou alo tamaitai sa faataunuuina i Tafagamanu 27 Fepuari – 1 Mati 2006,
 - Fonotaga faaleaoaoga mo tina ma o latou alo tamaitai sa faataunuuina i Fuailalo i le aso 6 Iuni – 8 Iuni 2006
 - Ripoti o le Aso Faapitoa Faavaomalo mo Tamaitai 8 Mati 2006
 - Ripoti Aso Faapitoa mo Tina i Samoa 14 Me 2006
- ❖ Aso Faapitoa Faavaomalo mo Tamaitai – e tasi le vaiaso na faatinoina ai le faalauiloaina o lenei faamoemoe i ala leo ma ala ata mo le silafia e le atunuu [8 Mati 2006]. E tasi foi le vaiaso na faatinoina ai le faamoemoe faapea mo le faalauiloaina o le Aso Faapitoa mo Tina i Samoa, sa lagolago malosi mai ai sui o le Faa-Paaga o le Feagaiga mo le Aveeseina o Soo Se Ituaiga Faailoga Tagata Faasaga i Tina ma Tamaitai i lona faatinoina. i nei faamoemoe e lua[2], e lima[5] ni ie faalauiloa, tolu[3] pepa o faamatalaga faapea ma le polokalame e tasi i luga o le televise sa mafai ona faatinoina mo le momoliina o le feau o nei aso faapitoa i le mamalu ole atunuu.
- ❖ Na tapenaina ma tuufaatasia le Faiga Faavae mo Tina ma Tamaitai, ma faamaonia i le aso 18/1/06, ma o loo talia nei le pasiaina aloaia o lenei faiga faavae. E lei mafai ona faataunuuina ni faatalalanoaga mo lenei Faiga Faavae ona o le utiuti o le seleni.

- ❖ Na tapenaina i le tausaga faaletupe lenei 2005/2006 le pepa talosaga mo se Fuafuaga o Galuega Faatino, mo le faatinoina o feagaiga faavaomalo pei o le CEDAW ma le Fuafuaga na faataoto i Beijing i Saina
- ❖ e aua lava le uunaia ma le siitia o le tulaga o tina ma tamaitai e ala lea i le faaogaina o auala ma metotia o loo i feagaiga faavaomalo pei o le Feagaiga mo le Aveeseina o Soo Se Ituaiga Faailogatagata Faasaga i Tina ma Tamaitai ma le Fuafuaga na taliaina i Beijing i Saina
- ❖ Na tuufaatasia foi ripoti i iloiloga ma fuafuaga sa feagai ai ma le Vaega o Tina ma Tamaitai i le Aso 13 Ianuari 2006 ma le Aso 28 – 31 Iuni 2006, ma sa faaogaina nei ripoti e fesoasoani i le tuufaatasia o le Ripoti Faaletausaga a le Matagaluega.
- ❖ E lua polokalame mo tina ma o latou alo tamaitai e faatatau i auala e puipuia mai ai i le faamai oti o le AIDS, na faatautaia mo Savaii i le Aso 29 Aukuso 2005 – 2 Setema 2005, ma Upolu i le Aso 24 – 28 Oketopa 2005. E tasi le polokalame na mafai ona faataunuuna mo tina galulue, ma sa faatinoina lea i le Kamupani a le Yazaki Samoa i le aso 24 Mati 2006.
- ❖ E lua ni faatalatalanoaga sa faatautaia e le Vaega mo Tina ma Tamaitai i le aso 30 Aukuso 2005, ma le aso 20 Setema 2005, mo le iloiloina o Fuafuaga Mamao mo le tali atu i aafiaga o le faamai oti o le AIDS i tamaitai Samoa 2001/2005.
- ❖ E lua ni iloiloga ma fuafuaga na faatinoina mo le Vaega mo Tina ma Tamaitai na faatinoina ia Ianuari 2006 ma Iuni 2006.
- ❖ E ono ni pepa talosaga na mafai ona tuufaatasia ma pasiaina e aofia ai:
 - Talosaga mo le Iloiloina o Fuafuaga Mamao mo le tali atu i aafiaga o le faamai oti o le AIDS i tina ma tamaitai Samoa 2001/2005I
 - Talosaga i le va faapaaga ma le Matagaluega o Soifua Maloloina mo le uunaia o le soifua maloloina i lalo o le Feagaiga mo le Aveeseina o Soo Se Ituaiga Faailogatagata Faasaga i Tina ma Tamaitai
 - Faamaonia le talosaga mo le toe tapenaina o le Faiga Faavae mo Tina ma Tamaitai
 - Faatalatalanoaga faatatau i le faavaa mo le atinaeina o Fuafuaga o Galuega Faatino, taliaina
 - Talosaga mo se aoaoga faatatau i le Polokalame mo le Puleaina o Mataupu tau Kenera
 - Faatalatalanoaga mo le fausiaina o se faavaa mo se Fuafuaga o Galuega Faatino mo le taofia o sauaga i totonu o aiga, sa taliaina lenei talosaga ae lei pasiaina aloaia.

Auaunaga mo le Puipuiga o Tamaiti / Polokalame mo Tamaiti o le Pasefika

O galuega ma polokalame mo le puipuiga o tamaiti, o loo faaauau pea lona faatinoina i le agaga o le Feagaiga mo Aia Tatau a le Tamaititi. O se tasi foi lea o auuaunaga ma matafaioi na masani ona feagai ma le vaega o Polokalame ma Aoaoga, peitai na faasee atu le tele o lenei galuega e faatinoina ma tauaveina e le au faigaluega a le Vaega o Polokalame mo Tamaiti o le Pasefika. O le agaga o le Matagaluega sa faataatia mamao mai, o le faaauauina lea o galuega uma o loo faatupeina e le Polokalame a Tamaiti Pasefika e le Vaega mo Tina ma Tamaitai i totonu o le Auivi o le Feagaiga mo Aia Tatau a le Tamaititi pe a faamutaina le poloketi o loo faatupeina nei. O le ala lea e le o pito tasi ai lenei polokalame ile Vaega 19 o le Feagaiga ae taulai i le atoaga o le puipuiina o fanau i soo se vaega i lalo o le Feagaiga.

O nisi o fesoasoani tau seleni na fesoasoani i le faatinoina o galuega ma polokalame mo le puipuiga o Fanau, sa mafai ona tuuina mai e le Faalapotopotoga mo le Soifua Maloloina o le Lalolagi I le latou polokalame mo le uunaia ai o Siosiomaga Saogalemu mo Fanau. O se tasi foi lea o tulaga ausia sa faamauina lona tulaga fesoasoani mo atinae o nuu ma afioaga e ala i polokalame ma aoaoga

faatatau i siosiomaga mama, faalauiloaina ma le uunaia o le le taumafa tapaa i aiga ma nofoaga faitete, mama o vai taumafa faapea le saogalemu o fanau i totonu o aiga ma nuu.

O nisi nei o galuega ma polokalame sa mafai ona ausiaina e le Vaega o Polokalame mo Tamaiti o le Pasefika / Puipuiga o le Fanau mo leni tausaga faaletupe. O tulaga ausia i galuega e pei o Fonotaga Faapaaga mo le Feagaiga i Aia Tatau a le Tamaititi, Fonotaga Aoao mo Tamaiti ma le iloiloga mo tapenaga o galuega atinae mo nuu ma afioaga, Sa tele ai foi le sao o le Vaega o Polokalame ma Aoaoga faapea foi le Vaega o Aoaoga ma Auaunaga mo le Atinae o Nu'u ma Afioaga i le galulue faatasi ai ma le Vaega Polokalame mo Tamaiti o le Pasefika o loo patino iai ia galuega.

- ❖ Sefulutolu (13) Fonotaga a le Faapaaga mo le Feagaiga i Aia Tatau a le Tamaititi sa faatautaia aua ni finagalo faaalua ma faaiuga fai mo le faalauiloaina o polokalame ma galuega a le Feagaiga i Aia Tatau a le Tamaititi
- ❖ Maea tusiaina le Ripoti mo Galuega ma polokalame faatino o le Feagaiga i Aia Tatau a le Tamaititi ma tuuina atu i le Pulega a le Matagaluega. E aofia ai:
 - Aoaoga tau-Iloiloga na faatautaia mo le aufaigaluega mo le Vaega o Tina ma Tamaitai 03 - 05/07/05
 - Iloiloga o atinae mo fesoasoani Faavaomalo, Iulai 25 – 29/07/05
 - Polokalame ma aoaoga faatatau i siosiomaga mama, soifua maloloina ma le saogalemu o fanau i totonu aiga ma nuu.
 - Ripoti o Minute i fonotaga faale-masina a le Faapaaga mo le Feagaiga i Aia Tatau a le Tamaititi
 - Ripoti o polokame sa faalauiloa i luga o ala ea faatatau i puipuiga o le fanau mai sauaga.
 - Ripoti mo galuega toe iloilo mo Atinae o Nu'u ma Afioaga
 - Ripoti a Samoa faatatau i galuega faatino o le Feagaiga mo le Aia Tatau a le Tamaititi
 - Ripoti o Fonotaga a Faiaoga o Aoga Faataitai
 - Ripoti I le aofia ai o mataupu tau agafesootai i aoaoga ma le faalauteleina o tomai.
- ❖ Fonotaga Aoao mo Tamaiti mo le Feagaiga i Aia Tatau a le Tamaititi sa faatinoina mo aso e lua(2) mo Upolu, aso 30 – 31 Me 2006.
- ❖ E lua(2) faatalatalanoaga sa faatinoina ma le Faapaaga e talanoaina ai Fuafuaga mo Galuega faatino mo ni auala e puipuia ai tamaiti mai le sauaina ma le tuulafoaiina. Na faatupeina e le Polokalame mo Tamaiti o le Pasefika
- ❖ Faatinoina aoaoga mo le tapueina o tomai ma le silafia o le Faapaaga mo le Feagaiga i Aia Tatau a le Tamaititi ma le aufaigaluega a le Vaega mo Tina ma tamaitai, Faa-paaga ma Pulenuu i le aso 21 – 22 o Iulai, 2005. Na faatinoina le faatalatalanoaga o le Ripoti tuufaatasi a Samoa mo le Feagaiga mo le Aia Tatau a le Tamaititi i le Aso 2–3 Aokuso 2005. Na faatinoina foi le aoaoga tau Iloiloga mo le aufaigaluega a le Vaega mo Tina ma Tamaitai i le aso 1 – 3 o Iulai 2006
- ❖ E tolu (3) fonotaga o le Feagaiga i Aia Tatau a le Tamaititi sa faatinoina - 5/8/05, 7/8/05 ma le 23/01/06 aua tapenapenaga mo le fonotaga ma le Komiti o Malo Afaatasi mo le Feagaiga i Aia Tatau a le Tamaititi
- ❖ Na faataunuuna semina mo le faatalatalanoaina o sini autu ma galuega mo le Feagaiga i Aia Tatau a le Tamaititi i le 25 Aokuso 2005 ma Faatonu o Autalavou, Tiakono & Faletua Moamoa i le 30/12/05, Faiaoga o Aoga Faataitai 2006, ma asiasiga i nuu ma afioaga e pei o Samalaeulu 14/11/05, Mauga 15/11/05, Satoalepai 16/11/05, Matavai 17/11/05 ma Saasaai 18/11/05.
- ❖ Tasi (1) le fonotaga faa-le-aoaoga sa faataunuuna i Tufululele mo le Polokalame o le Feagaiga i Aia Tatau a le Tamaititi mo puipuiga o fanau, fatupeina e le Polokalame mo Tamaiti o le Pasefika ona e lei pasiaina se vaega tupe i le tala faatatau o le Tupe a le Matagaluega.
- ❖ Fesoasoani tau tupe laiti mo Komiti a Tina i Vailoa 12/09/05, Avao 24/11/05, Mafutaga Pulega Malua Sisifo 10/12/05, Faga 21/03/06, Fatausi 22/03/06 ma Samalaeulu 24/03/06

- ❖ Tolu (3) Asiasiga sa faatinoina mo nuu ma afioaga e pei o Samalaeulu, Mauga ma Satoalepai 14/11/05 – 16/11/05, Salani 26/04/06, Aufaga 03/05/06 ma Falevao 18/05/06 faatupeina e le Polokalame mo Tamaiti o le Pasefika.
- ❖ Lua (2) polokalame na faatino mulimuli mai e tulimatai ai fesoasoani tau tupe laiti ma polokalame faalauiloa sa faatinoina. O le polokalame mataitu muamua sa faatinoina i le Aso 17/10/05 – 28/10/05 mo Upolu, ma le lona lua i Savaii i le aso 21/11/05 – 02/12/05.
- ❖ O le tausaga faaletupe lenei sa iloga ai le sao o le Faapaga o le Feagaiga mo Aia Tatau a le Tamaititi i le faatautaia lea o polokalame faalauiloa i luga o ala ea e ala atu i le polokalame mo Siosiomaga Soifua maloloina mo Tamaiti, aoaoina o i latou e faia polokalame i nuu ma afioaga, faapea le pepa i mataupu tau agafesootai na faia i Komiti a tina i Savaii.
- ❖ O polokalame faalauiloa laiti i luga o ala ea faatatau i le sauanina ma le tuulafoaina o fanau sa faatinoina lea i le Aso Faapitoa Faavaomalo mo Tamaiti 14 – 20 Novema 2005. O nei polokalame e aofia ai taimi i luga o le polokalame a le televise o le Lali, faatalatalanoaga i Leitio, le faalauiloa, Nusipepa ma ata pue pupuu.
- ❖ Fa(4) tusi talosaga na tusiaina ma tuuina atu mo ni fesoasoani seleni aua le faatinoina o galuega ma polokalame mo le puipuiga o fanau. (1). Faalapotopotoga mo le Soifua Maloloina o le Lalolagi mo polokalame Siosiomaga Saogalemu mo Fanau (2) Iloiloga o le tulaga o iai Tina ma Tamaitai, Tamaiti ma Tupulaga Talavou 2006, taliaina ma pasiaina (3) Faatalatalanoaga mo se Faavaa o Fuafuaga o Galuega Faatino mo Tamaiti (4) Faatupeina o pasese mo sui o le aumalaga mo le tuuina atu o le Ripoti o le Feagaiga i Aia Tatau a le Tamaititi i le Komiti a Malo Afaatasi, pasiaina
- ❖ Faatuina le polokalame mo faa-komipiuta e teuina ai faamatalaga ma faamaumauga o puipuiga mo tamaiti i le atunuu, o lenei polokalame faatekonolosi e faafouina ma tuuina iai faamatalaga faifaipea.
- ❖ Faatinoina aoaoga mo le tapueina o tomai ma agavaa mo le Vaega o le Polokalame mo Tamaiti o le Pasefika i tulaga tau iloiloga i le aso 16/01/06 - 20/01/06
- ❖ Faatinoina fesoasoani laiti tau seleni e ono(6) mai ia Mati ia Aperila 2006 mo le puipua o fanau mai sauaga ma le tuulafoaiina. Na faatinoina foi aoaoga faalauiloa e fa(4) mai ia Fepuari ia Mati 2006 mo lea lava faamoemoe.
- ❖ E lua polokalame na faatautaia e mataitu ai nuu na tuuina atu iai fesoasoani tau seleni, ma faia ai aoaoga faalauiloa ina ia faamautinoa ai le faaauuina ma le aoga o polokalame sa tuuina atu iai. O le polokalame mataitu muamua sa faia i le 17 – 28 Aukuso 2005 ma le lona lua i le 21 Novema i le 2 Tesema 2005. Na mafai foi ona mataituina faifaipea nei polokalame e tauala mai i ripoti na tuuina mai e Sui o le Malo Tamaitai i masina taitasi.
- ❖ Lolomiina ma tufaina atu tusi mo aoaoga ma faamatalaga e faatatau i Aia Tatau a le Tamaititi ma le puipuiga o fanau mai sauaga
- ❖ Iloiloga o polokalame faalauiloa mo alii ma faipule i nuu ma afioaga ma taitai o Ekalesia eseese, sa faatautaia lea e le Afioga Afamasaga Agnes Strickland, ma ua maea foi ona tusia lea ripoti
- ❖ Tuufaatasia avanoa e maua mai ai le lagolago faapitoa mai i faalapotopotoga tetele faaitulagi e tauala mai i faalapotopotoga tumaoti i Samoa nei, i le fonotaga toe iloilo a le itulagi sa faataunuina i Fiti.
- ❖ Aoina ma tufatufaina faamatalaga mo le Suesuega e faatatau Siosiomaga Saogalemu mo Fanau, mo le faamoemoe o le tuufaatasia o se Tusi o Faamaumauga mo Siosiomaga Mama mo Tamaiti. Sa tuufaatasia e le Afioga GatoloaifaanaTili Afamasaga nei faamatalaga ma faamaumauga ma tuuina atu i le Afioga i le Pule Sili o le Matagaluega le uluai ata faataitai.
- ❖ Tuufaatasia le ata faataitai mo Faiga Faavae mo Tamaiti lea o loo atagia ai Siosiomaga Saogalemu mo Fanau.

- ❖ Sefulu(10) ni fesoasoani tau tupe laiti o uunaia ai siosiomaga mama mo tamaiti na faatautaia ma nuu e tauala atu i Komiti a Tina i afioaga nei: Falevao, Vaiusu, Salani, Moataa, Tafagamanu, Gataivai, Vaipouli, Safai, Tafua and Salelologa
- ❖ Faatinoina semina mo le soifua maloloina ma le tumama, mo afioaga e sefulu(10) i Savaii, Patamea, Paia, Aopo, Taga, Safotu, Fagae, Fagafau, Siutu, Gataivai, Salailua
- ❖ Faatautaia semina mo le puipua lelei o suavai ma mea taumafa mo le motu o Savaii i le 17 Novema 2005, ma Upolu i le 18 Novema 2005, ua maea tuufaatasia ma saunia ripoti o nei semina.

Faaleleia o le auunaga mo tina ma tamaitai	2004-2005	2005-2006
Tagata faigaluega	683,233	637,609
Tupe alu mo le faagaioiga	251,379	179,847
Tupe faavae	52,261	66,907
Aofai o tupe faatatauina	986,873	879,363
Auaunaga mo le puipua o le fanau		
Tagata faigaluega	71,957	103,685
Tupe alu mo le faagaioiga	58,751	31,260
Tupe faavae	52,261	42,969
Aofai o tupe faatatauina	182,969	174,915

2.5. VAEGA MO TUPULAGA TALAVOU

Na faaauauina pea le faatinoina o matafaioi autu mo le Vaega mo Tupulaga Talavou e tauala atu i ana vaega e tolu(3):- 1. Atinaeina o Auaunga i Mataupu tau Agafesootai. 2. Atinaeina o le Tamaoaiga ma Mataupu tau Tomai / Agavaa. 3. Faafoeina, Tuliloaina ma Iloiloga o Polokalame. O galuega faatino e aofia ai le faatinoina ma le mataituina o polokalame atinae mo tupulaga talavou e aofia aoaoga, fonotaga, faatalatalanoaga ma polokalame taalo mo talavou, e ala i le galulue soosootauau ma paaga galulue aemaise o tupulaga talavou

O nei galuega faatino e auga lava i le foiaina o mataupu tau le tamaoaiga, agafesootai, aganuu ma le ola faaleagaga o tupulaga talavou, e pei ona faailoa i totonu o le Faiga Faavae Aoa mo Tupulaga Talavou 2001 – 2010, lea o loo faatinoina ma iloiloaina e le Vaega mo Tupulaga Talavou.

TULAGA AUSIA

O le tausaga faaletupe leni i le Aso 6 Aperila 2006, na tatala aloaiaina ai le Polokalame o le TALAVOU, i le Maota o Toa Salamasina i Sogi. O leni Polokalame na afuafua mai i ni faatalatalanoaga sa faia i le va o le Malo o Samoa ma le Ofisa o Malo Aafaatasi o loo i Samoa. O le uluai polokalame leni ua mafai ona faataunuuna faapea, lea ua tagofia ai mataupu tau tupulaga talavou i se tulaga lautele e aofia ai paaga galulue uma mo Tupulaga Talavou faapea fesoasoani tupe mai faalapotopotoga eseese a Ofisa o Malo Aafaatasi ma le Malo o Niu Sila e ala i ana polokalame

fesoasoani mo le atinae. O le faamoemoe autu o leni Polokalame o le lagolago ma fesoasoani malosi lea i le faatinoina o le Faiga Faavae mo Tupulaga Talavou 2001 – 2010.

Faamaopopo ma Uunaia Polokalame mo le Atinaeina o le Tamaoiga mo Tupulaga Talavou(Aofia ai ma polokalame ma ana paaga masani)

- ❖ Fausiaina o le faavaa mo Polokalame Faatino/ Faapaaga e tauala atu i le Polokalame a le TALAVOU, aua le faalauiloaina o avanoa e auai ai tupulaga talavou i polokalame mo le atinae o le tamaoiga.
- ❖ O le au lautogia e lima aupito i luga o le Tauvaga Tauloa a Tupulaga Talavou a Samoa ia Me 2006, na tuuina atu i le Tauvaga Tauloa a Atunuu o le Taupulega mo Tupulaga Talavou i Pine Auro ma Pine Siliva.
- ❖ E sefulu ma le fitu {17} Aupalavou, ma le tovalu(8) i tauvaga taitoatasi na filifilia mo nei tauvaga tauloa e lua(2). Na faamanuiaina le Aupalavou Metotisi mai Tanugamanono i le latou Aoaoga Faakamuta i le tauvaga a vaega toatele, ae o Lauilau Toilolo mai Gataivai sa faamanuiaina i le vaega taitoatasi, i lona ofoina lea o lona olaga atoa e tausia ai le tuua o lona tuua.
- ❖ Sa faamanuiaina i Pine Siliva le Aupalavou EFKS mai Maagiagi i la latou Poloketi o le Pasi ma le Aupalavou EFKS Vaiala i le latou lipine pese na pueina. Na maua e nei Aupalavou faailoga tupe e tai afe(1000) pauni.

Faamaopoopoina Atinae i Agavaa Faa-Taitai faapea le Faalauiloaina o Polokalame

- ❖ E silia ma le selau limasefulu(150) tupulaga talavou o Samoa sa mafai ona auai i polokalame, fonotaga ma le faamanatuina o le Vaiaso mo Tupulaga Talavou lea sa faatautaia mo le Vaiaso e tasi(1) i le Maota o le Tofamamao a le Ekalesia Katoliko i Leauvaa. Sa faalauiloa ai Sini Autu e Valu(8) mo le Meleniuma, o matafaioi ma tiute o sui auai i le ausiaina o nei Sini Autu, o polokalame faatino a Matagaluega eseese a le Malo faapea Faalapotopotoga Tumaoti ma Ekalesia. Sa auai foi i polokalame atinae mo le tapueina o tomai ma agavaa i mataupu tau i le soifuaga, faatinoina lava e tupulaga talavou. Sa faatupeina leni fonotaga e le Tala Faatatau o le Tupe a le Malo faapea Paaga mo le Atinae ma Vaega Tumaoti.
- ❖ Faatinoina galuega o oo i totonu o Fuafuaga o Galuega Faatino a Tupulaga Talavou o Samoa mo Sini Autu o le Mileniuma, patino lava i le Sini Autu lona ono(6) i le Faamai Oti o le HIV/AIDS. O nei galuega faatino e aofia ai le fonotaga a Tupulaga Talavou sa talanoaina ai le faamai o le AIDS i Upolu, lea sa faamanatu faatasi ma le Aso Faapitoa Faavaomalo mo Tupulaga Talavou i le Aso 12 Aukuso 2005. Na faatinoina i lea lava aso faatalatalanoaga i luga o le leitio Talofa FM mo Savaii, ma le polokalame mo Upolu i le Maota o Tooa Salamasina. E tusa ma le selau luasefuluiva(129) tupulaga talavou sa auai i leni faamoemoe. – Upu Taiala “*Faatauinaina le tuu atu atoatoa o le lagolago i le faatinoina o le Fuafuaga a Malo o le Lalolagi mo Tupulaga Talavou*”.
- ❖ E toasefulu(10) tupulaga talavou na tapenaina le Fuafuaga a Tupulaga Talavou o Galuega Faatino mo Sini Autu o o le Meleniuma, o I latou ia sa sa filifilia e fai ma sui i le fonotaga a tupulaga talavou o le Pasefika mo Sini autu o le Meleniuma, lea sa talimalo ai le Matagaluega e tauala atu i le Vaega o Tupulaga Talavou, ma Paaga a Malo Afaatasi i le Maota o Tofamamao a le Ekalesia Katoliko.
- ❖ Faamalositia le galulue faapaaga ma Matagaluega a le Malo, Faalapotopotoga Tumaoti, Faatuatuga Eseese, ma Faalapotopotoga ma Komiti mai nuu ma afioaga i le faamoemoe ina ia atinae auaunaga tau agafesootea e tauala atu i le Polokalame o le TALAVOU.

Vaega Tupulaga Talavou	2004-2005	2005-2006
Tagata Faigaluega	157,336	191,753
Tupe alu mo le faagaioiga	177,300	762,708
Tupe faavae	52,261	62,917
Aofai o tupe faatatauina	386,897	1,017,378

2.6. VAEGA MO SUESUEGA FAIGA FAAVAE FUAFUAGA MA FAAMATALAGA (VSFFFF)

I le tausaga lona tolu lenei o le Matagaluega, sa faatumauina pea matafaioi autu ma galuega a le Vaega o Suesuega Faiga Faavae, Fuafuaga ma Faamaumauga (VSFFFF), o le faatautaia, faamaopoopoina, tapenaina, ma faatinoina suesuega, faiga faavae ma fuafuaga a le Matagaluega ina ia mautinoa o loo o gatasi ma fuafuaga aoao tetele ma faiga faavae a le Malo

TULAGA UA AUSIA

Faiga Faavae mo le Atinae o Nuu ma Afioaga.

Ua maea ona tapenaina le auivi o le pepa o faatalanoaga mo le tapenaina o le Faiga Faavae mo le Atinae o Nuu ma Afioaga. Ae o loo faatalia pea le tuufaatasia o lenei faiga faavae seia maea ona faamaonia le “Fuafuaga mo le Vaega o Auaunaga mo le Soifua Manuia Lautele ma Agafesootai” lea ua toe nei o se aga ona maea lea. Sa galulue soosootauau pea le VSFFF ma le Vaega o Fuafuaga ma Faiga Faavae tau Tamaoiga o le Matagaluega o Tupe i le faagaioiina o le Fuafuaga mo le Vaega o Auaunaga mo le Soifua Manuia Lautele ma Agafesootai.

E lua faatalalanoaga tetele sa faataunuina ma sui o nuu ma afioaga faapea Matagaluega a le Malo ma Faalapotopotoga Tumaoti. Ua iai le Ata Faataitai ua tapenaina peitai, sa mataituina le Tusiga Igoa o le Faitau Aofai o Tagata ma Fale o le Atunuu lea e faataunuina i le tausaga faaletupe o lumanai, e ono toe suia atoa ai fuainumera ma faamaumauga o loo i totonu o le Ata Faataitai o le Fuafuaga.

Ripoti o le Suesuega i Tomai, Uiga, Amioga ma Aga mo le Puipuiga o Fanau i Samoa

Ua maea ona faatautaia faatalalanoaga e uiga i iuga o lenei suesuega i Upolu ma Savaii. Mai i nei faatalalanoaga, na tele manatu ma finagalo na faaalua e le mamalu o le atunuu ma paaga talafeagai / masani a le Matagaluega, ma ua maea ona faapepaina ma tuufaatasia e le Vaega o Suesuega, Faiga Faavae ma Faamatalaga Faamaumauina le ripoti o lenei faatalalanoaga..

Ripoti i Tamaiti o Faatau Savali'ina Oloa.

Ua maea ona tuufaatasia le ripoti o lenei suesuega, ma ua maea foi ona tufatufaina atu i paaga masani a le Matagaluega, paaga na aofia i le suesuega, aemaise paaga a le CRC o loo faatauina le aia tatau a le tamaititi. Na mafai ona maua mai manatu ma finagalo o paaga e uiga i le ripoti, ma ua maea foi tuufaatasi nei finagalo ma faapepaina.

Suesuega i le Saogalemu ma le Soifua Manuia o Aiga Samoa.

Sa mafai ona tufatufaina na o le aotelega o lenei ripoti i fonotaga a tina sa faatautaia e le Vaega mo Tina ma Tamaitai. Mo le silafia, o le ripoti o lenei suesuega taua ua maea tapenaina, peitai o loo

faatali le tatalaina ma le faalauiloina aloaia o le ripoti o lenei suesuega, ona o loo tau soalaupule nisi o mataupu i le va o le Matagaluega ma faalapotopotoga(SPC/UNFPA) na faatupea lenei suesuega.

Tusi o Faamaumauga Faafuainumera o Alii ma Tamaitai o Samoa.

O le Tusi o Faamaumauga Faafuainumera o Alii ma Tamaitai o Samoa i lona faafouga i le 2005, sa mafai ona tuufaatasia ma tufatufaina i Vaega e ono o le Matagaluega aua ni o latou finagalo ma manatu faaalua, mo le faaleleia o lenei tusi taua; ao lei tuuina atu i paaga masani ma le lautele mo le faaogaina.

Polokalame Leitio ma le Nusipepa Faalemasina

I totonu o le tausaga faaletupe o loo ripotia 2005/2006, e 12 Nusipepa “*Ua taoto le ataata o taulelei*” faalemasina sa mafai ona tuufaatasia, lolomiina ma tufatufaina i paaga masani a le Matagaluega. Na iai foi finagalo ma manatu na tuuina mai e le mamalu o le aufaitau aua lava le faaleleia o lenei nusipepa faalemasina, ma sa avea lea ma ala o le faaleleia atili o lenei moli tofa a le Matagaluega. E luasefulu ma le lua [22] polokalame leitio sa faataunuuna i le tausaga faaletupe 2005/2006, o nei polokalame sa talanoaina ai polokalame faatino, asiaisiga, faalauiloina o polokalame fuafua faapea ni mataupu o ave iai le faamamafa a le Matagaluega. E tai lua vaiaso ma faia lenei polokalame, na o le tasi le polokalame na faia ia Tesema 2005 ona o taimi o aso fiafia.

Tapenaina, iloiloaina ma le mataituina o Fuafuaga a le Matagaluega

- ❖ Na faatautaia e le Pulega faapea Ofisa Sinia o le Matagaluega le iloiloiga o le afa muamua o le Fuafuaga Autasi 2004/2007 a le Matagaluega. Ma sa tuufaatasia le ripoti o lenei iloiloiga ma ua maea ona faapepaina.
- ❖ Na mafai foi ona faatinoina le Fuafuaga Faale-tausaga 2006-2007, peitai e lei lolomiina ona o le utiuti o le seleni.
- ❖ Na amata tapenaina i le tausaga faaletupe lenei le Ripoti Faale-tausaga 2004-2005 a le Matagaluega, peitai e lei faamaeaina ona o le tele o isi galuega taua sa faatinoina e le gata i le Vaega o Suesuega, Faiga Faavae, Faamatalaga Faamaumauina a o isi uma Vaega o le Matagaluega.

ISI TULAGA AUSIA

Sa faaaauaina pea le fesoatoiga a le Vaega lenei ma isi uma Vaega o le Matagaluega e ala i galuega faatino e moomia ai le fesoasoani aemise le faaogaina o tomai ma agavaa. Sa avea ma sui auai o le Faapaaga mo le Feagaiga o le Tafieseina o Soo Se Ituaiga Faailogatagata Faasaga i Tina ma Tamaitai, Faapaaga mo le Feagaiga i Aia Tatau a le Tamaititi, Komiti Galulue o le Polokalame o le TALAVOU, fesoasoani i le tuufaatasiina o le ripoti o galuega faatino faaletausaga a le Vaega mo le Lotoifale, tuufaatasiina o Faamaumauga o le Aufaigaluega atoa a le Matagaluega mo le Afioga i le Minisita, saunia le ata o le Pepa mo le Minisita i le Mataupu – “*O le amanaia o mataupu tau Kenera i mataupu tau Pulega, o le a faafaigofie ai tualumaga o mataupu tau i le atinae ma le faitau aofai o tagata*” faapea le tuuina atu o fautuaga i mataupu tau faiga faavae, fuafuaga ma faamaumauga e fesiligia mai e le Ofisa Sili o Pulega.

VSFFFF	2004-2005	2005-2006
Tagata Faigaluega	176,757	220,768
Tupe alu mo le Faagaioiga	186,865	118,216
Tupe faavae	52,261	62,917
Aofai Tupe Faatatauina	415,883	401,401

2.7. VAEGA MO LE LOMITUSI

O lo o faaauau pea le auaunaga a le Vaega mo Lomitusi mo Matagaluega a le Malo faapea Faalapotopotoga Tumaoti ma le mamalu lautele o le Atunuu. O loo faapea foi ona tuuina atu lana auaunaga faa-faufautua i Matagaluega a le Malo faapea Faalapotopotoga Tumaoti ma le lautele o le Atunuu, i mataupu tau-lomiga, le faatatauina o tau o galuega ma taimi e faatinoaina ai galuega.

TULAGA AUSIA

O se tasi o galuega maoae na faatinoaina e le Vaega lenei, o le lomiaiina lea o lola palota mo le Faiga Palota Tele a le atunuu lea sa faataunuaina ia Mati 2006. O le tau atoa o lenei galuega, e tusa ma le ST1.3 miliona, ma o se galuega tele ma faigata ua faatinoaina e le aufaigaluega a le Vaega o Lomitusi. Sa galulue fesoasoani ai foi isi Vaega o le Matagaluega i le faatinoga, faapea le Ofisa o Faigapalota. Sa umi se taimi na faatinoaina ai lenei galuega, ma e masina atoa na tuufaatasia ma siakiina ai lola ina ia mautinoa le lelei ma le sao atoatoa. O le lomiaiina o lola palota e 3,960 faatasi ai ma ata o tagata palota, na faafaigofieina ona o masini lomitusi faa-ona-po-nei se fa [4], e tusa lona tau ma le NZD \$ 392, 000, na faatauina mai le Tala o le Tupe a lo tatou Malo.

Galuega Lomitusi Lautele

O le iai o masani lomitusi fou e tolu, faapea ai nisi totoga e faaaogaina i le galuega, o le mafuaaga lea o le mafai ona faia o galuega na faatalosagaina e le mamalu o le atunuu, ma toe tuuina atu ia i latou i taimi na moomia ai. O nei galuega na aofia ai ulutusi, tusi risiti, pepa faatumu mo tagata faimalaga mai ma malaga atu i fafo o le atunuu, tusi faa pisinisi, tusi valaaulia faapea ituaiga pepa eseese o faamaumauga/auaunaga faa-falemai. O le tele o galuega faalomitusi na faia o galuega mai Matagaluega/Faalapotopotoga Tumaoti a le Malo, a o nisi o galuega mai i le lautele o le atunuu.

Lomiga

Sa siitia le tele o galuega na tuuina mai i le Vaega o Lomitusi, e aofia ai Ripoti Faaletausaga, tusi faalauiloa, o le Tala o le Tupe, nusipepa, ma le anoanoai o nisi o tusi a aoga ma tagata taitoatasi. Na mafai ona faataunuaina nei galuega uma, ina ua faatauina mai masini fou e fa(4) ua faafaigofie ma vave ai galuega. Ua faatupulaia pea le tele o galuega e moomia ai ata lanu, o loo tuuina mai e pisinisi taitoatasi, tusiga a tagata taitoatasi ma Tusi o Faamaumauga a Aoga.

Galuega Faa-Faufautua

O le tuuina atu o fautuaga i mataupu tau lomitusi, o se tasi o auaunaga aoga mo i latou o loo talosagaina le auaunaga a le Vega mo Lomitusi, aua ua malamalama ai i le faagaioiina o galuega faalomitusi ma le tomai o loo i le aufaigaluega. O nisi o nei fautuaga e aofia ai le fesoasoani i le tapenaina o talosaga mo ni galuega fia lolomiina, faapea le faataotoina ma le fuafuaina o se galuega fia lolomiina i se tau taugofie ma talafeagai.

Masini Faatekonolosi

O le mauaina o masini fou faa-onapo-nei pei ona faatauina i le tausaga faaletupe lenei, ua mafai ai ona faia galuega faalomitusi silisili ona lelei, pei ona naunau iai le Vaega mo Lomitusi. O masini fou nei e fa(4) faapea masini mo galuega lanu sa faatinoaina ai lomiga o faavaa ma teuga ese'ese, ma faaleleia atili le tautua ma le auaunaga a lenei Vaega.

Faatauina mai o Totoga moomia mo le lolomiina o Tusi

O le tele o oloa ma totoga moomia mo le lolomiina o tusi sa mafai ona taunuu mai i taimi na talosagaina. Talu ai o le tausaga o loo ripotia 05/06 sa faataunuuna ai le Faiga-Palota tele a le atunuu, na sologa lelei mea uma i itu tau totoga ma oloa moomia ona sa lava le tupe na faamatuu mai e le Malo e faatau mai ai totoga moomia faapei o pepa, vailaau, uamea tao pepa ma vaitusi.

Vaega Lomitusi	2004-2005	2005-2006
Tagata faigaluega	230,846	339,884
Tupe alu mo le faagaioiga	384,050	1,360,648
Tupe faavae	52,261	66,907
Aofai tupe faatatauina	\$667,157	640,362

2.8. VAEGA MO PULEGA FAA-OFISA

O le Vaega mo Pulega Faa-Ofisa sa latou faatinoina auaunaga lagolago mo le Matagaluega ma ana paaga e ala i le faafaigofieina ma le faagaioiina o tulaga sa manaomia mo le faatinoina o matafaioi autu a le Matagaluega

O loo faaauauina pea le faatinoina ma le tulimatai'ina e le Vaega o Pulega Faaofisa o pepa livi a le aufaigaluega atoa, faapea le tuufaatasia ma le sailia o aoaoga e atinae ai le tomali o le au faigaluega. Sa faaauauina foi le tapenaina e le Vaega o Pulega Faa-ofisa o pepa mo le faagaioiina o totogi o le aufaigaluega, Pulenuu ma Sui o le Malo, Sui o le Malo Tamaitai, Komiti o Pulenuu ma Komiti o le Faleula.

Sa feagai foi le Vaega ma le resitaraina o aseta tumau a le Matagaluega i taimi faatulagaina mo ripoti. E le gata i lea, o le galuega matua a le Vaega o Pulega Faaofisa o le faagaioiina o talosaga mai i vaega taitasi e ala i le "GoFar system" mo oloa, mea faigaluega poo soo se auaunaga e manaomia e se vaega.

Fuafuaina o le Tala i le Tupe ma lona faavasegaina. Sa tufatufaina le Ripoti o le Tala o le Tupe i Pule Lagolago uma o vaega taitasi mo le vaaiga ma le faasoasoina o vaega tupe a latou vaega taitasi. O le iloiloga o le Tala o le Tupe e tataua ona sao ma ia saunia i taimi faatulagaina.

Vaega 3: AUAI I KOMITI A ISI MATAGALUEGA

O le faaiuga a le Pule Sili o le Matagaluega ina ia faamatuu atu i Pule Lagolago le avanoa e fai ai ma sui o le Matagaluega i Komiti a isi Matagaluega, e fua i le talafeagai ma le o gatasi ma auaunaga autu a Vaega ese’ese; sa mafai pea ona faaauauina mo le tausaga lona tolu leni talu mai le fetuuiga o Matagaluega i le 2003.

O tofiga pei ona taua ua faailoa atu i lalo:-

Sui Auai	Matagaluega
Pule Lagolago – Vaega o Tina ma Tamaitai	Soifua Maloloina
Pule Lagolago – Vaega o Tupulaga Talavou	Aoaoga, Taaloga ma Aganuu
Pule Lagolago – Vaega mo Mataupu Tau ile Lotoifale	Faatoaga, Vaomatua ma Faigafaiva
Pule Lagolago – Vaega mo Suesuega, Fuafuaga ma Faiga Faavae	Punaoa Faalenatura, Siosiomaga ma Vaai Tau
Pule Lagolao – Vaega mo Mataupu Tau Ofisa	Pulega o Tagata Maimoa mai Fafo
Pule Lagolago – Vaega o Lomitusi	Pulega mo Faalavelave Faafuasei

O leni faaiuga sa faia ina ia mautinoa le:

- ❖ Faalia o manatu ma se sao o le Matagaluega i faiga faaiuga a ia Matagaluega
- ❖ Faamalosia atili o fesootaiga lelei i le va o le Matagaluega ma isi Matagaluega a le Malo.
- ❖ Faatinoina lelei e Pule Lagolago o lo latou avea ai ma sui o le Matagaluega i ia fonotaga ma komiti e ala i lo latou ripoti mai i le Pulega o tualumaga ma iuga o ia fonotaga
- ❖ Faaauau pea le auai o le Matagaluega i ia fonotaga

E le taofia e le tofiga ua taua i luga le mafai e soo se tasi o le afaigaluega ona fai ma sui auai i soo se fonotaga a Matagaluega ua taua. E mafai lava ona fesui ai i latou e avea ma sui auai mai lea taimi i lea taimi pe a talafeagai. Mo se faataitaiga, sa tatala le avanoa i le afaigaluega o le Vaega mo Tupulaga Talavou ma le Vaega mo Tina ma Tamaitai e auai atu ai i fonotaga a le Matagaluega a Punaoa Faa-le-natura lea sa talanoaina ai mataupu e patino i la latou auaunaga autu.

Sa faaauau pea foi le avea o le Ofisa Sili o Pulega ma Sui Auai i nisi o Komiti Faafoe a le Malo

VAEGA 4: ATINAEINA O LE AUFALGALUEGA

O le vaega leni o le Ripoti o loo faamatalaina ai avanoa sa mauaina e le aufaigaluega e atinaeina ai o latou tomai ma agavaa

Vaega mo le Lotoifale

O le Pule Lagolago o le Vaega ma le Lotoifale sa auai faatasi ma le Pule Lagolago o le Vaega mo Tina ma Tamaitai faapea le Pule Lagolago o le Vaega mo Suesuega Faiga Faavae Fuafuaga ma Faamatalaga Faamaumauina i le Polokalame faaleaoaoga mo Pule Lagolago a le Malo ma Faalapotopotoga Tumaoti, sa faatautaia e le Iunivesite o New England mai Ausetalia, tauala mai i le Matagaluega o le Komisi o Galuega a le Malo.

Sa auai atu foi le le Pule Lagolago ma le Ofisa Sinia o Polokalame i le Semina faaleaoaoga sa faia i Fiti i le 27 Mati 2006 – 8 Aperila 2006 mo i latou e faia aoaoga ma fautuaga mo taitai filifilia o nuu ma afioaga.

Vaega mo Tina ma Tamaitai

O le auai atu o le Pule lagolago mo le Vaega o Tina ma Tamaitai i le Polokalame mo le Atinaeina o Tomai tau Pulea ma Taitaiga mo Pule Lagolago (EDP), o se vaega o le atinaeina o tomai faapolofesa a le Malo i le tausaga faaletupe leni. O le Iloiloga ma le Tapenaga o Fuafuaga a le Vaega sa faataunuuna i le masina o Iuni 2006 sa faasoaina mai ai e le Pule Lagolago lona tomai na mauaina i lea polokalame. O nei fefaasoaiga ma le au faigaluega na atagia ai le toe ave o le faamamafa i le faaogaina tatau o le taimi, va faafeagai ai i le Ofisa, tapasa ma vaega e ave iai le faamamafa a le Vaega i leisi tala faatatau o le tupe. O leni faamoemoe sa tele lona aoga mo le aufaigaluega, ma e pine i lea tulaga le iloiloga sa faatinoina i le maea ai o le polokalame i le vaiaso atoa.

O le auai atu o le aufaigaluega i fonotaga/polokalame faavaomalo ma atunuu faaitulagi, na faaalua i le tele o le fesoasoani mo le aufaigaluega i le faatinoina o a latou gluega. O nei avanoa ua mafai ai ona faalauaitelei ma atinae tomai ma agavaa o le aufaigaluega ma iloa lelei ai le fesoootaiga o a latou galuega faaleatunuu ma le lautele o galuega faavaomalo ma faaitulagi. O se avanoa foi lea e maua ai fesoootaiga fou ma toe faamalosi fesoootaiga ma paaga a le Vaega mo Tina ma Tamaitai ma paaga i le itulagi ma faavaomalo.

Vaega mo Tupulaga Talavou

O nisi nei o aoaoga ma polokalame sa auai atu iai sui o le Vaga mo Tupulaga Talavou:

- ❖ Faatasiga lona fasefulu(40) a Tupulaga Faavaomalo, i Icheon Korea 11-22 Aokuso 2005, (Ofisa mo Tupulaga Talavou)
- ❖ Koneferenisi Faavaomalo mo le Tuufaatasia o Faalapotopotoga (nuu ma afioaga), faia i Brisbane Ausetalia 13-21 Aokuso 2005 (Ofisa Sinia Sili o le Polokalame o le TALAVOU)
- ❖ Aoaoga JICA-ma Faalapotopotoga tumaoti, i Osaka Iapani, 12 September – 28 Oketopa 2005 (Ofisa Sinia Sili Tupulaga Talavou)
- ❖ Fonotaga i Polokalame a Tupulaga Talavou o le Taupulega, Ofisa Tutotonu – Komiti Faufautua Faaitulagi, Laulau a Tupulaga Talavou a le Itulagi na usuia i Nadi Fiti, 19-23 Setema 2005 (Ofisa Sinia Sili & Ofisa o le Polokalame TALAVOU)
- ❖ Fonotaga mo tupulaga talavou o Malo Aafaatasi (UNESCO), na usuia i Palisi Falani, 30 Setema – 2 Oketopa 2005 (Ofisa Sinia Poloketi TALAVOU)
- ❖ Koneferenisi mo Tupulaga o le Pasefika ma Siomiaga Fesoootai, usuia i Sini Ausetalia, 23-27 Oketopa 2005 (Ofisa Tupulaga Talavou)

- ❖ Auai atu le Ofisa Sini Sili o le Polokalame TALAVOU i le Aoaoga faatatau i Taitaiga, faia i Nadi Fiti, 30 Oketopa – 4 Novema 2005
- ❖ Fonotaga lona fa(4) a le Konefereni o Faalapotopotoga o le Pasefika, i Koror, Palau, 18-22 Novema 2005 (Ofisa Polokalame TALAVOU)
- ❖ Fonotaga lona lua(2) mo Minisita o Tupulaga Talavou o le Pasefika, i Port Moresby, Papua Niu Kini, 5-7 Tesema 2005 (Afioga Minisita ma le Pule lagolago Vaega mo Tupulaga Talavou)
- ❖ O le tuumuliga poo le aso mo le iloiloga o galuega faatino a le Vaega mo Tupulaga Talavou sa faataunuaina ia Iulai 2005. Sa mafai ona fausia ai le Ata Faataitai o Fuafuaga Mamao a le Vaega mo Tupulaga Talavou mo le 2006 – 2009, ma le faamoemoe ia faalauiloina faapitoa faatasi ma le Polokalame a le TALAVOU, i le amataga o le 2006
- ❖ Aoaoga mo Faifaatoga mo le Lumanai o Samoa, i Toga, 11 – 30 Me 2006

Vaega mo Suesuega Faiga Faavae Fuafuaga ma Faamatalaga Faamaumauina

Na faamanuiaina le Vaega lenei i le fesoasoani a le tamaitai o Jessica Read, o se tasi o tamaitai e toatolu mai le Polokalame o Amapasa Talavou mai Ausetalia sa tuuina mai mo le Matagaluega. E tele se sao o lenei tamaitai i galuega faatino a le Vaega i mataupu tau faiga faavae ma fuafuaga. O nisi o galuega sa ia galue ai e aofia ai fautuaga i le Ata Faataitai o le Ripoti i le Tulaga o iai le soifua o tamaitai, tamaiti ma tupulaga talavou, le Ata Faataitai o le Faiga Faavae mo Tamaiti, le Ata Faataitai o le Faiga Faavae mo Tina ma Tamaitai. Sa fesoasoani tele foi i le tapenaina o le ata faataitai o le Pepa mo Faatalanoaga o le Faiga Faavae mo le Atinaeina o Nuu ma Afioga ma ua maea ona tuuina ma taliaina e le Ofisa Sili o Pulega.

O le Pule Lagolago o le VSFFFF sa auai atu faatasi ma isi Pule Lagolago e toalua o le Matagaluega i le aoaoga mo le Atinaeina o Tomai tau Pulea ma Taitaiga mo Pule Lagolago, o se polokalame sa faatautaia e le Iunivesite o New England mai Ausetalia, ae sa faamaopoopoina e le Matagaluega o le Komisi o Galuega a le Malo. O se polokalame faamanuiaina mo i latou sa auai, aua ua saga faamalosi ai tomai i le taitaiga ma le puleaina o galuega faatino a Vaega. O i latou sa auai na mauaina faailoga o le Tipiloma Mauiluga i le Pulea o Pisinisi.

Sa auai atu foi le Ofisa Sinia o Suesuega i se aoaoga e fa vaiaso na faia i Iapani i le Ofisa Tutotonu mo Faamatalaga i mataupou tau tamaitai.

E toafa le aufaigaluega a le Vaega lenei na faamavae ona ua faamanuiaina i galuega isi Matagaluega ma Ofisa. Peitai, sa toe vave ona faatumuina nei avanoa. E toalua na faafaigaleugaina e ala I le tulaga masani o faatalanoaga o avanoa faigaluega, ae toalua o se tamaitai ma se alii sikolasipi ua faatoa iu mai Iunivesite ma faaauuala mai I le Matagaluega o le Komisi o Galuega a le Malo.

O le faaiuga foi o le tausaga faaletupe lenei na faamaonia mai ai e le Komisi o Galuega a le Malo ni avanoa faigaluega se lua, o le Ofisa Sinia mo Faiga Faavae ma Fuafuaga ma le Ofisa Sinia mo Faamatalaga ma Faamaumauga. O le faamoemoe o nei avanoa, e fesoasosani ai i le faamalosi o le matafaioi faafaufautua a le Matagaluega i mataupu tau faiga faavae.

Vaega mo Lomitusi

E lei manuia taumafaiga a le Vaega Lomitusi ini avanoa e aoaoina ai lana aufaigaluega i aoaoga pupuu faavaitaimi i totonu o le atunuu. O lea tulaga na mafua mai ona e le maua lea ituaiga aoaoga i totonu o Samoa. Na pau le tulaga sa fesoasoani i le au faigaluega, o aoaoga masani lava e faaoga ai le potu masani ma faasinoga i luga o le galuega, e ala mai i le faasino ma le faufautua a Ofisa Sinia ma sui tuai o le Vaega. E ui i lea, o le a tuitui pea le Vaega mo Lomitusi ini avanoa i le lumanai e fesoasoani ma atinae atili ai le tomai o lana au faigaluega.

Vaega 5: FA'AFITAU

O le fesootai lelei o manatu, lagona ma faatinoga i totonu o le Matagaluega, ua faasolosolo malie pea lona tulaga lelei, a o gasolo pea ma masani le aufaigaluega i lo latou siosiomaga faalegaluega ma fesootaiga lelei i lo latou va.

Ae ui i ia tulaga lelei, o loo tumau pea le faafitauli o le vava-mamao ma le eseese o nofoaga o loo i ai vaega eseese o le Matagaluega, mai i le Ofisa Totonu lea e iai le Ofisa o le Ofisa Sili o ma Pulega ma le Vaega o Pulega Faa-Ofisa lea o loo i le Maota o le Malo. E le gata i faavaatua o fesootaiga i le va o vaega ona o le tulaga pei ona taua, ae ua avea pea ma faafitauli mo Vaega o loo i le Maota o le Tooa i Sogi, Maota o Pulenuu ma Matautu le tuai ona faaoo mai i le Ofisa Tutotonu pe faaoo atu foi i ai latou nisi o pepa moomia vave mai le Ofisa Autu.

O le Vaega mo Lomitusi o loo faalagolago pea i le faatinoga o a latou galuega i aso faifaipea e aoa ma faamasani ai le aufaigaluega i a latou galuega faatino ona o le leai o ni aoaoga tau lomitusi e maua pei ona talosagaina ai i lalo o le polokalame a le Komisi o Galuega a le Malo i lana Polokalame mo Aoaoga i totonu o le atunuu i le tausaga faaletupe lenei.

O le Vaega mo Suesuega Faiga Faavae Fuafuaga ma Faamatalaga Faamaumauina, sa feagai pea ma le utiuti o tomai faapitoa e moomia mo le faatinoina o ia galuega e ala i le tapenaina o faiga faavae, tapenaina o fuafuaga, faatinoina o suesuega ma faamaopoopoina faamatalaga ma faamaumauga. Sa iai se laasaga agai i luma i lea vaega ina ua faamaonia mai e le Ofisa o le Komisi o Galuega a le Malo nisi o avanoa faigaluega sa talosagaina i totonu o le tausaga faaletupe lenei. E le gata i lea, sa iai avanoa mo aoaoga i tomai faapitoa sa mauaina ina ua maea le Iloiloga mo Manaoga i mataupu tau Aoaoga ma le tapueina o tomai ma agavaa o le aufaigaluega.

O isi Vaega sa feagai pea ma le toaititi o le au-faigaluega e faatinoina matafaioi ma galuega faatino e pei ona fuafuaina.

E le gata i lea tulaga ao le le gafatia e le Tala Faatatau o le Tupe o galuega fuafua a Vaega taitasi, ma iu ai lava ina faatino na o galuega sa ave iai le faamamafa ae tolopo isi fuafuaga ma galuega faatino i leisi tausaga faaletupe.

Vaega 6: TALA FAATATAU O LE TUPE A LE MATAGALUEGA MO LE TAUSAGA FAALETUPE 2005/2006.

Numera o Galuega Faatino	Faamatalaga	Tupe faatatau
1	Ofisa o le Pule sili a le Matagaluega Fautuaga Tau Faiga Faavae i le Minisita (aofia ai alauni mo Pulenuu ma Komiti eseese)	\$767,024
2	Galuega Lagolago i le Minisita	\$238,865
3	Galuega e Faaleleia ai le Atinaeina o Tina ma Tamaitai	\$879,363
4	Galuega Faatino mo le Puipuiga o le Fanau	\$174,915
5	Auaunaga mo le Atina'e o Nuu ma Afioaga	\$1,611,524
6	Polokalame ma Atina'e mo Tupulaga Talavou	\$1,017,378
7	Auaunaga tau Lomiga	\$640,362
8	Faiga Faavae ma Suesuega mo Fuafuaga Faataatitia	\$401,401
Aofaiga Laititi Galuega Faatino a le Matagaluega		\$5,730,831
Galuega i le Avea ma Sui o le Malo:		
	Polokalame mo Autalavou Malo o le Taupulega	\$40,000
	Totogi o Lisi	\$191,000
	Aso Faapitoa mo Tina o Samoa	\$20,000
	Polokalame o Auala Galue	\$500,000
	Vaiaso Faapitoa mo Tupulaga Talavou	\$40,000
	Fuataga o le Ie o le Malo	\$100,000
	Aso Faapitoa mo Tama o Samoa	\$20,000
	Lafoga totogi mo le VAGST	\$797,876
Aofaiga Laititi o Galuega e Avea ai ma Sui o le Malo		\$1,708,876
AOFAI TUPE FAATATAUINA		\$7,439,707

FAAFETAI

E faafetaia faapitoa e le Matagaluega le lagolagosua malosi ma le finagalo naunautai o le Malo aemaise Afioga i Minisita, le Afioga Tuala Ainiu Iusitino faapea le Afioga Fiamē Naomi Mataafa mo le taitaiina o le Matagaluega i le lona tolu leni o tausaga talu ona faavaeina i le 2003. E fia faafetaia foi le galuega soosootauau ma le oloolo pitovaa mai a isi Matagaluega a le Malo, Faalapotopotoga Tumaoti, Vaega Tumaoti, Faalapotopotoga a Ekalesia, Faalapotopotoga Tumaoti atoa ai ma tagata lautele. O le tofa foi a le Afioga Fiamē Naomi Mataafa ina ua pale mai e avea ma Minisita o le Matagaluega, ina ia faaauau pea galuega masani a le Matagaluega ae sei ona mataituina le gasologa o galuega faatino, e matua lagona ai lava le agaga faafetai.

E fia momoli foi le faafetai a le Matagaluega i le lagolagosua mai a isi Matagaluega a le Malo, Faalapotopotoga Tumaoti, Vaega Tumaoti, Ekalesia faapea Komiti ma Faalapotopotoga a Tagata Lautele.

E faafetaia faapitoa foi le lagolagosua a paaga a le Matagaluega i nuu ma afioaga, i le pule mamalu a Alii ma Faipule, Pulenuu ma Sui o le Malo, Sui o le Malo Tamaitai ma latou Komiti, Taitai o Tupulaga Talavou ma Autalavou atoa ai ma sui auai o nuu ma afioaga. E le gata i lea ao le sao taua o Komiti eseese o le Matagaluega – Komiti o le Faleula o Samoa, Komiti o Pulenuu (Upolu ma Savaii), Faatonu o Tupulaga Talavou ma ana paaga galulue uma.

O le faafetai faapitoa a le Matagaluega e fia momoli i faalapotopotoga uma na maua mai ai fesoasoani tau tupe mo le faatinona o ana polokalame. E maua le agaga o le Matagaluega o le a faaauau pea la latou lagolago i le lumanai.

E muliai ae le faaitiitia le agaga faafetai tele ma le faamalo i le galulue punouai ma le le faalogologo tiga o le Pulega ma le afaigaluega o le Matagaluega o Tina ma Tamaitai Atinae o Nuū ma Afioaga ma Agafesootai

FAASINO UPU

ANM	-	Aiga ma Nuu Manuia
VL	-	Vaega mo le Lotoifale
VPO	-	Vaega mo Pulega Faa-Ofisa
VSFFFF	-	Vaega mo Suesuega Faiga Faavae Fuafuaga ma Faamatalaga Faamaumaina
VTTL	-	Vaega mo Tupulaga Talavou
VTTM	-	Vaega mo Tina ma Tamaitai